

„Droschak”

ORGANE

de la Fédération

Révolut. Arménienne.

ԴՐՈՇԱԿ

Adresse:

RÉDACTION DU JOURNAL

„Droschak”

GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՃՆԱԿՑՈՒԹԵԱՆ” ՕՐԳԱՆ

ԱՄԲՈՒՆՅՈՒՆ ՏՐԱՄԱՐԱՆՈՒԹԻՒՆ

V

(վերջ)

Սակայն — ասում են ամբոխային տրամաբանութեան ամէն կարգի ներկայացուցիչները — բոլոր քաղաքական խաղերի և անյաջողութիւնների առաջը կարելի էր առնել, եթէ յեղափոխական կազմակերպութիւնները՝ փոքր «խլտուկների» փոխարէն՝ հոգային նախօրէն լաւ պատրաստել իրենց կազմակերպչական ժողովուրդը:

Կարիք չկայ իհարկէ այստեղ կանգ առնելու այն խնդրի վրայ, որ «նախապատրաստութեան» և ըստ կարելոյն լայն ծաւալով «կազմակերպելու» պահանջը — պարզապէս բոլոր գործող յեղափոխականների իդէալն է եղել և կը լինի միշտ: Կուրդաշը նետուելիս՝ ջանալ ըստ կարելոյն մեծ ուժ համախմբած ունենալ — դա այնքան բնական, այնքան տարրական, նոյնիսկ այնքան հստակ պահանջ է, որ միայն կրէտիները կարող են տարաշուք թէ յեղափոխականները կարող էին արհամարհել այդ պահանջը: Բայց եթէ այդպիսի կրէտիներ կան մեր մէջ, թող դրանք ստուգեն մեր կարծիքը մեղադրող յեղափոխականների ծրագրերում, թերթերում, պաշտօնական մարմինների կամ անհատ գործիչների կեանքում և յն: Եւ եթէ դրանից յետոյ էլ ապացոյցները դեռ ևս պակասեն, թող դիմեն վերջապէս հայութեան այն մեծագոյն մասին, որը մի տեղ միանգամայն անտարբեր գտնւեց դէպի ընդհանուր ազգային խնդիրները, միւս տեղ քաղաքացիական համարձակութիւն չ'ունեցաւ նպաստել մեր շարժման, երրորդ տեղ հակայեղափոխական յայտնւեց, չորրորդում՝ հարկաւոր գտաւ նոյնիսկ իր յատուկ սօփոտաները կտուրներ բարձրացնել՝ գործի կողմնակից յեղափոխականների դէմ սալաձախ կանչելու համար: Հայութեան այդ մեծագոյն մասը անշուշտ կը հաստատէ թէ՛ իրաւ որ, եթէ գործի-յեղափոխականները «քչով» հանդէս եկան, դա, յամենայն դէպս, չէ կարող բացատրուել նրանով, որ այդ յեղափոխականները «շատը» չէին ուզում կամ «շատը» ունենալու համար ուէ ջանքեր էին խնայում: Այդ հեղինակաւոր ցուցմունքով էլ հարցը ինքնուրուիքեան կը փակուի՝ միանգամայն ընդմիջտ պարզելով, որ

այն, ինչ բացարձակ տեսակետից մեզ թւում է քիչ համեմատական տեսակետից՝ եղել է ուժերի այն maximum-ը (ամենաշատը), որ՝ որոշ ժամանակում և որոշ տեղի հանգամանքներում՝ կարելի էր համախմբել յեղափոխական գործի շուրջը:

Մենք երկար կանգ չենք առնի նաև ապացուցանելու, որ յեղափոխական ձեռնարկները ոչ միայն չէին հակասում նախապատրաստութեան պահանջին, այլև անխուսափելի միջոցներ էին այդ պահանջին բաւարարութիւն տալու համար: Մենք միայն կ'ամփոփենք այստեղ զանազան առիթներով այդ մասին շարժակում՝ յայտնած մեր կարծիքները:

Եթէ մարդկային անցեալի նախակարապետները իրենց գաղափարները առաջ քշելու համար սպասէին, որ նախօրէն ամէն ոք իրենց հետ համաձայնի, մեր քաղաքակրթութիւնը դեռ քարի դարումը կը լինէր, ասել է մի հրապարակախօս՝ մեզ թողնելով մտաբերել այն բոլոր խաչերը, խարոյկները, կախաղանները, գիւետիւնները, բանտերը — մի խօսքով՝ արեան և անհամար տանջանքների այն հսկայական հնոցները, որոնց միջով անցել են յեղափոխիչ գաղափարները: Ինչպէս երեսային՝ սիրող մայր, այնպէս էլ յեղափոխող գաղափարների աճման համար միշտ անհրաժեշտ են եղել մութ բանտերի խոնաւ օրօրոցները, երկաթեայ շղթաների բազմալեզու նանինները և կարմիր գահիճների մահաբեր գուրգուրանքները: Ուրիշ ելք չկայ նոր գաղափարների յաղթանակի համար, այլ խօսքով՝ ուրիշ միջոց չկայ յեղափոխական գործը նախապատրաստելու համար: Այո, չկայ աշխարհում ոչ մի աւելի կրթիչ օրինակ, քան գործերի կենդանի օրինակն է. չկայ աշխարհում ոչ մի լսարան, ուր կարելի լինէր հաւաքել այնքան լսողներ, որքան ունենում է գործի ասպարէզը նետած յեղափոխական քարոզիչը. չկայ ոչ մի ձայն աշխարհում աւելի հեռու, աւելի լայն տարածութեան վրայ լսող, քան գործերի գոռում-գոչիւնն է. չկայ ոչ մի լեզու, որով կարելի լինէր խօսել ամբողջ մարդկութեան առաջ հասկանալի խօսքերով, բացի գործերի լեզուից:

Եւ իրաւ: Ո՞վ աւելի մեծ համարձակութիւն, աւելի մեծ բարոյական իրաւունք կ'ունենար անձնւորութեան հրաւիրել ժողովրդի բոլոր կենսունակ տարրերին, քան ինքը՝ առաջինը արեան դաշտը նետող յեղափոխա-

կանը: Ո՞վ, ի՞նչ մարդ, ի՞նչ քարոզիչ կամ քարոզներ կարող էին Պօլսից մինչև Վան, Ռուսաստանից մինչև Ամերիկա ցնցել հայութիւնը՝ բոլորի սրտերին միևնոյն զարկը հաղորդելով, բոլորի առաջ պարզ ամփոփելով մեր ընդհանուր ազգային իղձերը, քան այդ անուժէին յեղափոխական ձեռնարկները: Ո՞ր գրողը, ո՞ր լեզուագէտը, ո՞ր հարուստը, ո՞ր հռետորը կարող էր հայկական պահանջների մասին այնքան հրատարակութիւնների մէջ, այնքան լեզուններով, այնքան գրել, այնքան տպագրել, այնքան սրտեր և մտքեր շարժել որքան գրել, հեռագրել, տպագրել, զգացել, մտածել էր տալիս հայ ժողովրդի ծանր, անօրմալ, դժոխային կացութեան արտայայտութիւնը — յեղափոխական բողոքը: Ո՞ր են վերջապէս — հրոսակային կամ տէնօրիստական, զինատար կամ պարտիզանական խմբերի կռիւներից դուրս — այն դահլիճները, այն զօրանոցները, ուր հայը պէտք է վարժէր արեան գործի մէջ և յեղափոխական բանակներ յաւատարմութիւն կամ յկազմակերպէր:

Դժուար չէ, իհարկէ, գերադրական ածականների մի ամբողջ բեռը շալակած, նկարագրել միամիտների առաջ յլուռ ու մուսջ նախապատրաստութիւնների՝ ֆանտաստիքական հեռանկարը՝ անպայման յաղթանակով պսակւած, և յետոյ զէնք դարձնել այդ զառանցանքները նոյն նախապատրաստութեան գործին ամբողջ հոգւով ներկայութեան դէմ: Բայց *le superlatif est le cachet des sots* (գերադրական ձևը յիմարների կնիքն է) — վաղուց ասել է Մետերնիխը, և մեզ իհարկէ թոյլ կը տրւի, եթէ Մետերնիխից աւելի հեռու չգնալ, առնւազն գոնէ համաձայնել Մետերնիխի հետ: Հասկանանք վերջապէս, որ անմտութիւն է մարդկանցից պահանջել մի բան, որ նաև ա ն կ ա ռ ե լ ի է իրագործել: Ի՞նչպէս պատրաստւել յոտարիների ընթացքում՝ լուութեան մէջ: Պէ՞տք է երկիր մտնեն մարդիկ, պէ՞տք է դրանք տեսնեն, խօսեն, համոզեն, բանակցեն կարևոր անձանց և տեղերի հետ. պէ՞տք է գրագրութիւն ունենան. պէ՞տք է զէնք տարածեն, ստանան, գնեն, պահպանեն, տեղափոխեն. պէ՞տք է զէնքի և նրա գործածութեանը ծանօթացնեն մարդկանց թէ՞ ոչ: Փորձեցէք միայն փուլ խօսքերից կենդանարար գործի անցնել փորձեցէք միայն շատ կարճ ժամանակ — այո, թէկուզ ամէնակարճ ժամանակ — յնախապատրաստութեամբ՝ զբաղւել և դուր կը տեսնէք, որ լուութիւնը ձեր գործում շուտով կը խառնա իւր թշնամին ոչ ձեզնից թոյլ է, ոչ էլ աւելի վատ կազմակերպւած: Ուր որ գնաք, նրա քանցերը, նրա սահմանափակումները, նրա պաշտօնական և ոչ-պաշտօնական գործակալները կանգնելու են ձեր առաջ դէմ առ դէմ, և այսօր չէ էգուց՝ դուք կը բռնւէք գործի վրայ: Ահա ինչու յլուութիւն՝ քարոզողները նրանք են մեծ մասամբ, որոնք ոչ մի առնչութիւն չունեն գործնական յեղափոխութեան

հետ: Ահա ինչու հսկայական յնախապատրաստութեան՝ քարոզների հետ նրանք մատնւած են յաղաքակրթական՝ զարգացման մաշւած երգերը կրկնելու, տեղը եկած ժամանակ առաջ տանելու նաև յհամբերութեան, յհաւատարմութեան՝ կամ յտեսական յեղափոխականութեան՝ քարոզները: Մի թշնամի, որ ունի դարևոր կազմակերպութիւն, որը իր ամբողջ քայքայման հետ դեռ ընդունակ է կանոնաւոր պատերազմներ մղել և երբեմն յաղթել իր հակառակորդներին, հեշտ գործ չէ այնքան երկար ժամանակ խաբւած պահել, որչափ կը պահանջւի նրա ուժը հակակշռող ուժ երկրում կազմակերպելու համար: Այդ ձգտումներում դուք յաջողութիւն չէք ունենալ և հետևաբար՝ թշնամուն սիստէմատիքաբար խաբել ձգտելով՝ դուք սիստէմատիքաբար խաբած կը լինէք միայն ձեր բարեկամներին, ձեր ընկերներին, որոնք միամտաբար հաւատալով ձեզ՝ թէ դուք կարող էք և պէտք է խաբէք թշնամուն, մի գեղեցիկ օր կը տեսնեն, որ միայն իրենք են ձեզնով խաբւել — աւել ոչինչ:

Այդպիսի փոխադարձ յարաբերութիւններ յսալավաթ՝ պողող սօֆտաների և իրենց բարեկամների մէջ՝ իհարկէ իրար միանգամայն վայել յարաբերութիւններ են, և մենք դրա դէմ ոչինչ չունենք ասելու. բայց այդ յսալավաթների՝ իսկական արժէքը վերջապէս հասկանալու համար, մենք մի րոպէ մի կողմ կը թողնենք մեր հայեացքները գործի վրայ և կանգ կառնենք մեր յքննադատների՝ տեսակետի վրայ: Հակառակ տրամաբանական և սօցիոլոգիական բոլոր օրէնքների, համաձայնելնք մի րոպէ, որ կարելի էր լուութեան մէջ պատրաստւել և այնպէս հրապարակ դուրս գալ: Ենթադրենք, որ — թէկուզ դիւթական դաւադանի մի հարւածով — յեղափոխականները գործի դիմէին՝ բաւական լայն չափերով կազմակերպւած ժողովրդի հետ: Միթէ՞ մենք կարող կը լինէինք հաստատապէս ասել, որ այդ դէպքում մենք արդէն ապահովւած կը լինէինք մեր ազատութեան գործը: Ո՞ր է ուժերի այն *minimum*-ը (ամէնաքիչ չափը), որ պահանջուում է գործ սկսելու համար: Վերջին յոյստաճկական պատերազմի ժամանակ Յունաստանը, իբր անկախ երկիր, իր միևնույններով, մեծ պետութիւնների հետ յարաբերութիւն ունեցող իր բոլոր դիպլոմատներով, իր զինւորական խորհուրդներով, սեփական հոգի վրայ, իր ազատ զօրանոցներում ժողոված, կրթած և կազմակերպած 60-70 հազար զօրք դուրս բերեց ծածկաստանի դէմ և կրկին յաղթեց: Չէ՞ր կարող մի այդպիսի դժբախտութիւն մեզ հետ էլ պատահել՝ թէկուզ կուի դաշտ դուրս եկած լինէինք յմեծ պատրաստութիւններով: Մեզ կարող են իրաւամբ նկատել, իհարկէ, որ գաղափարով ոգևորւած մի յեղափոխականը արժէ ամէնապակասը՝ տասը այնպիսի պաշտօնական կուռղների, ինչպիսին է զինւորը, այն էլ յունական զինւորը, և ուրեմն օրինակը համոզեցուցիչ չէ: Դիմենք ուրիշ օրի-

նակները: Բուլղարները ապստամբել են 1828, 1837, 1841, 1862, 1867, 1868, 1872 և 1876 թվին. ազատ-
ւել են 1878-ին. ուրեմն շարժումը տեւել է 50 տարի,
ունենալով ամենաքիչը 44 տարւայ ընթացքում ան-
ընդհատ անյաջողութիւն: Յոյները ապստամբել են 1770,
1798-1801, 1812, 1820-1829 թվերին. ազատութիւն
գտան 1829-1830 թվին, այսինքն 60 տարուց յետոյ,
շատ անգամ տեղիք տալով զարհուրելի կոտորածների և
ամբողջ Պելոպոնէսի ու Մորէայի կատաղեալ աւերման:
Միթէ՞ բուլղարները և մանաւանդ յոյները միշտ «ան-
պատրաստ» են կուրս դուրս եկել, որ տասնեակ տարի-
ների ընթացքում միմիայն սոսկալի անյաջողութիւններ
են ունեցել: Այսօր ազատ Կրէտէն, որ իր կուրսը սկսեց
դեռ Յունաստանի հետ միասին, ապստամբել է տասը
անգամից աւել, պաշտպանելով իր դատը ամբողջ 128
տարի: Սերբերը կուրել են 40 տարու չափ և նախ
քան ազատւելը՝ պարտութիւններ են կրել շատ անգամ:
Ռումանական շարժումը, նոյնպէս արիւնով ներկւած,
տեւել է ոչ պակաս 100 տարուց: Բօսնիա և Հերցե-
գովինա կուրել են 1830 թվից մինչ 1870 թվի: Իր-
լանդիան 600 տարի է չէ ընկճւում իր ազատութեան
տենջանքներում՝ չնայած իր միլիօնաւոր զոհերին: Դեռ
երէկ կուրող հերոսական Կուբան միայն մեր դարում
երեք խոշոր ապստամբութիւններ է ունեցել՝ վերջին
ապստամբութեան ժամանակ միայն 200,000 զոհ տա-
լով. իտալական յեղափոխութիւնը 60 տարի պահան-
ջեց յաջութանակը տանելու համար: Հարցնում ենք.
միթէ՞ սրանք բոլորն էլ ամէն անգամ «անպատրաստ»
են պատմական բէմ դուրս եկել, որ չեն կարողացել
մի անգամից իրենց ազատութիւնը ապահովել...

Ընթերցողը տեսնում է ուրեմն, որ «յուրը» նախա-
պատրաստութեան պահանջները — որքան էլ շեշտակի
ձեւերով կրկնեն հայ դպիրներ և դպրիկները — իսկա-
պէս զուրկ են լրջութեան ու յատկութիւններից
և ուրիշ կերպ չէ կարելի հասկանալ այդ պահանջ-
ները, բայց եթէ այն մտքով միայն, որ յեղափոխական
կուրսը այնպէս պէտք է տանւեր, որ արդէն անպայման
յաղթանակ բերած լինէր: Բայց եթէ պատմական
երեւոյթները պէտք է դատուեն ոչ թէ իրենց ժամա-
նակի և տեղի հետ սերտ կապւած պայմաններում,
այլ ցանկութիւնների տեսակէտից, ո՞րտեղ
կարող են վերջանալ այս տեսակ գանգատների սահ-
մանները: Երեւակայեցէք մի րոպէ, որ մենք այնքան բախտա-
ւոր լինէինք, որ մինչ այժմ մի միայն յեղափոխական
շարքերից լինէինք զոհ տւած, բայց և այնպէս՝ տակաւին
դեռ ևս «ապարդիւն»: 2է՞ր կարելի այդ դէպքում
էլ ցանկութիւնների հարուստ աշխարհից պոկել բաղ-
ձանքների մի նոր փուլ և կրկին դատաւարել յեղա-
փոխականներին, որ դրանք — շնորհիւ իրենց «անպատրաս-
տութեան», «սառն դատողութեան» բացակայութեան,

«քաղաքական անհմտութեան» ևս — միայն ծծում են
սերնդի ամենալաւ ուժերը ու վատնում ահագին մի-
ջոցներ առանց ունէ «արդիւնքի»: Ենթադրենք այնուհետ,
որ յեղափոխականներին յաջողած լինէր այսօր որոշ
զոհերով այս կամ այն բարեփոխումները ձեռք բերել
Հայաստանում: Միթէ՞ դժւար կը լինէր այստեղ էլ
մեղադրել նրանց, որ — շնորհիւ իրենց «անպատրաստու-
թեան» ևայլն — չկարողացան գործը այնպէս տանել, որ
զոհեր քիչ լինէին տւած կամ միւսնոյն զոհերով աւելի
մեծ փոփոխութիւններ լինէին ձեռք բերած: 2է՞ր կա-
րելի միթէ մի փոքր էլ դէնը գնալ և — յանուն նոյն
«անպատրաստութեան», «սառն դատողութեան» բա-
ցակայութեան, «քաղաքական անհմտութեան» ևս, —
պահանջել նոյնիսկ, որ ամենեւին զոհ չլինէին տւած,
այլ այնպէս՝ միմիայն քաղաքական յաջող խաղերի և
մեծամեծ կապերի միջոցով՝ ուղղակի առաջ քշէին եւ-
րօպական միջամտութեան գործը և ապահովէին հայ-
կական հարցի յաջող լուծումը: Եւ այդպէս շարունա-
կելով՝ չէ՞ր կարելի միթէ հասնել վերջապէս Գամառ-
Քաթիպայի «Հայի բաղձանքին»...

«Ախ, ինչպէ՞ս կուզեմ տեսնել մեր հային
Ազատ, ապահով, կրթեալ, ինքնագոհ,
Ամէն հայի տուն — դրախտ երկնային...
Լոկ այդ բանն ինձից չուզենար մէկ զոհ...»

«Ախ, ինչպէ՞ս կուզեմ տեսնել Հայաստան
Մի օր ազատւած թշնամու ձեռքէն,
Հայի երկիրը — հայի սեփական...
Լոկ այդ չի բաժնէր ինձ իմ կոպէկէն...»

Բայց — բարեբախտաբար թէ դժբախտաբար, չգի-
տենք — բաղձանքները չեն, որ ընթացք են տալիս
կեանքին: Ռուսերէն մի առած ասում է, որ «դժոխքի
ճանապարհն էլ բարի ցանկութիւններով է սփռւած»,
բայց և այնպէս մենք գիտենք, որ այդ ճանապարհը
առհասարակ հրապուրիչ չէ մարդկանց համար: Սակայն,
ընթերցող, ոչ զարմանանք և ոչ էլ զայրանանք: Ամ-
բոխային տրամաբանութեան մատնւած բոլոր գլուխների
ընդհանուր ճակատագիրն է այդ — մի ճակատագիր, որ
միշտ իր անգթութեան գագաթնակէտին է հասնում
մանաւանդ մեծ անյաջողութիւնների դէպքերում: Դա
մարդկային ամբողջ պատմութեան մէջ դիտւած մի ընդ-
հանուր երեւոյթ է, որ շեշտում են բոլոր ուղղութիւն-
ների սօցիոլոգները:

«Ամենազարգացած հասարակութիւնների մէջ — ա-
սում է օրինակ Վօրմար իր Organisme et Société աշ-
խատասիրութեան մէջ — հասարակական դժ-
բախտութիւնների ժամանակ, մինչև անգամ
միմիայն կրեւակայական դժբախտութիւններից ծնւած
երկիւղի ազդեցութեան տակ, երբեմն վերածն-
ւում են հին ժամանակների ամենաարտափելի, յա-
ճախ ամենաբարբարոս սովորութիւնները»:

Ուրիշ խօսքերով և մեր նիւթին յարմարեցնելով՝ դա
նշանակում է, որ ընդհանուր ազգային դժբախտութեան
ժամանակ՝ մարդկային կորուստների, մարդկային կոտո-
րածների հետ անմիջապէս կապւում են նաև մտքերի

անխնայ կոտորածներ: Ահա ինչու հասկանալի է, որ յաջողութեան օրերում դժգոհ «խոհեմների» թիւը ոչ այնքան մեծ կը լինէր և ոչ էլ այդ «խելօքները» կարող կը լինէին այնքան ունկնդիրներ գտնել, որքան այժմ: Յաջողութեան օրերում ընդհանուր յոյսերի պայծառ ալիքները իրենց բուռն հոսանքի մէջ կ'առնէին այսօրւայ նոյնիսկ հոգեպէս սնանկ դժգոհներին, և զրանք այն ժամանակ ոչ մի առիթ չէին բաց թողնի՝ նոյն կտուրների վրայից, որտեղից այսօր արշաւանքներ են քարոզում գործի-յեղափոխականների դէմ, պոռալ արար-աշխարհին, որ նրանք միշտ էլ հաւանքել և օգնել են ամէն կարգի յեղափոխական ձեռնարկներին, որ միշտ էլ համոզած յեղափոխականների շարքում են եղել, որ նոյնիսկ առանց իրենց մասնակցութեան ոչ մի աջողութիւն ձեռք բերած չէր լինի և չէր Բայց ներկայ սև օրերում դրանք—«խելօքներին» յատուկ տրամաբանութեամբ, նաև «հոտառութեամբ» — յարմարւում են միջավայրին և ստւարացնում «քննադատների» շարքերը՝ մինչև էգոց-միւս օր, երբ պատմական անիւը ունէ ձևով կը թեքւի յօգուտ հայրութեան, կրկին յախուռն հոսանքով կը շտապեն ամենակատաղի յեղափոխականների աթոռները գրաւելու, մոռանալով, նոյնիսկ հերքելով, որ հէնց այն րոպէին՝ երբ պատմական անիւը թեքւում էր, նրանք դեռ ևս քրտինք էին թափում ամբօխի առաջ իրենց «քննադատութիւններին» աւելի համոզիչ ձև տալու համար...

Ամփոփենք մեր կարծիքները:

Ասել՝ թէ յեղափոխականները նախ քան գործնական քայլերի դիմելը պէտք է նախօրէն լաւ «կազմակերպւեն» և չն — դա միևնոյն է թէ ասել, որ գործը պէտք է լաւ տանւէր: Պարզ է, որ այդպիսի «խորհուրդներ» ոչ դիմ համար ոչ մի նշանակութիւն չեն կարող ունենալ: Գործը, յեղափոխական գործը, լաւ տանելը — մեր իդէալն է արդէն. բայց ի՞նչպէս այդ գործը պէտք է տանւէր կամ տանւի, որ լաւ լինի, որ լաւ կազմակերպւենք և չն — ահա ամբողջ հարցը, որի գիմաց իրար խառնուում, իրար հակասում, իրար ուղեհանգում են մեր «խոհեմների» խորհուրդները, մեր «սօփոսադպիրների» սալափաթները, մեր «քննադատող» դատարկ կարասների՝ ներդաշնակութիւնից զուրկ, անմիտ և միապաղաղ ձայները:

«Պատրաստութեան» կամ «վաղաժամութեան» անմիտ ողբերի մէջ չէ կայանում մեր շարժման յաջողութիւնը (որովհետև իսկապէս երբ յեղափոխական նախաձեռնութեան մէջ մի բան կատարւում է կամ կարելի է կատարել, դա ինքնըստինքնան արդէն նշանակում է, որ «ժամը» հասել է), այլ կուէի յարատեւութեան մէջ: Մեր դատը վաղուց է հայերիս համար սոսկալի մի վերքի նշանակութիւն ստացել: Շնորհիւ տաճիկ կառավարութեան կատարեպլ կուրութեան՝ նոյն

վերքին նշանակութիւնն է ստացել նա Թիւրքիայի համար ևս: Թէ մենք և թէ Թիւրքիան ընտրել ենք այդ վերքի դէմ վիրաբուժական միջոց. մենք դիմել ենք յեղափոխութեան, Թիւրքիան՝ մեզ կոտորելու միջոցին: Մեզ մնում է ուրեմն երկուսից մէկը — կամ սեփական ձեռքերով թաղել մեր դատը, կամ շարունակել մեր կռիւը աշխարհ, որ դա՝ Թիւրքերի դէմ մինչ այժմ ուղղած դժգոհութիւնների, պաշտօնական բողոքների և թղթէ սպառնալիքների շրջանը անցնելով, վերջապէս մի վէրք դառնայ նաև այն ազգութիւնների ու պիտութիւնների համար, որոնք կապ ունեն Թիւրքիայի և մեր հարցի հետ: Այն օրը, երբ դրանք ևս համոզւեցին, որ այդ վերքի դէմ պէտք է դիմել վիրաբուժութեան, մեր դատը ապահովւած կը լինի. այդ օրը կը լինի և մեր յաջողութեան օրը:

Չմոռանանք, որ մեր մօտիկ անցեալը — որքան և ծանր լինէր դա մեզ՝ ժամանակակիցներիս համար — պատմութեան մէջ շատ աննշան շրջան պէտք է համարւի, որպէսզի կարելի լինէր նրանից ունէ համարձակ եզրակացութիւնների յանգել: Մի թոյլ, անզէն, ցիրուցան, բաւականաչափ անհատական և ռազմական բնագոյններով աղքատ ժողովուրդի ազատագրական շարժումը այնպիսի մի հասարակական երևոյթ չէ, որ իր առաջին բողոքները ձգելուն պէս՝ հասունութեան հասնէր: Այդպիսի յաջողութիւն, ինչպէս տեսանք վերը, չեն ունեցել նոյնիսկ մեզնից աւելի լաւ պայմաններում գտնուող ազգերը. — ո՞ր մնաց նոյնը պահանջել ունէ տասը տարւայ հասակը ունեցող մանուկ հայ յեղափոխութիւնից:

Այո, անցեալի կորուստները ճնշում, ճնշում են մեր սրտեր ու մտքերը, բայց չնմանւենք Թուրքիայի տէսի այն հերոսին, որ կուէի միջոցին փոխանակ իր հակառակորդի հարւածներին դիմադրելու և աշխատելու նրա մարմնի ամենազգայուն տեղերին հարւածներ հասցնելու, ձեռքերը սեղմում էր մարմնի այն տեղերին, ուր ընկնում էին հակառակորդի հարւածները: Ասկած չկայ, որ այդպիսի մի ընթացք մեզ կը տանէր միմիայն դէպի անպայման կորուստ, այն ինչ յարատեւ կռիւը դեռ շատ բան կարող է խոստանալ մեզ: Եւ ո՞վ գիտէ՝ թէ ինչ գոյնով պիտի լուսաբանւեն այսօրւայ մեր կորուստները 50-100 տարուց յետոյ, երբ դրանք կապւած կը լինեն հետևողականութեամբ՝ յետագայ գալիք երևոյթների հետ մեր կեանքում: Ո՞վ գիտէ, գուցէ ապագան՝ այսօր ողբացուող դէպքերը արձանագրէ և տուն է իբր մեր ազատագրութեան տարեշրջաններ: Ո՞ր մի ժամանակ ըստրուկ և այսօր ազատ ազգը չէ մոռացել իր կրած զարհուրելի կորուստները: Ո՞րը դրանցից այսօր կը փոխէր իր ազատութիւնը նախկին վիճակին և անցեալ կեանքի այնպիսի մի ընթացքի հետ, ուր ոչ մի տեսակի զոհ և աւերումներ տեղի չլինէին ունեցած: «Չկայ մարդկութեան համար աւելի գեղեցիկ յոյս, քան մի ճնշւած ազգի յարութիւն առնելը», ստիպւած է եղել խոստովա-

նեւ նոյնիսկ այնպիսի մի հրէշ, ինչպիսին էր Դիզրայէլին: Յարատեւելու, յաճախ և երկար ժամանակ գուցէ անյաջող՝ չնայելով երբեմն նոյնիսկ իր լայն ծաւալին, — ահա ուր է մեր փրկութեան բանալին: Պահպանե՛նք, շարունակե՛նք կռիւը, որպէսզի նա լայնանայ, ընդարձակուի և ընդարձակելով՝ յարատեւի — ահա դէպի մեր նպատակը տանող միակ ճանապարհը: 2 շեղւե՛նք այդ ճանապարհից, որ պատճառների և հետեանքների կապով պատմութեան մէջ հաստատւած օրէնքի ուժ ունի. չչեղւե՛նք այդ միակ ճանապարհից, որ սփռւած է յուսատու ապագայի գրաւիչ ծաղիկներով...

ՀԱՅԳՈՒԿԻ ԵՐԳԵՐԻՑ *

II

Հազար բարով, հպարտ սարե՛ր,
Թե եմ առեր, ձեզ կուգամ.
Արծիւների ձէնն եմ լսեր —
Արծիւներին դէմ կուգամ...

Իմ հայրենիք, կապուտ սարե՛ր,
Թշնամու շարք ձեր բոլոր.
Դաշտ, անապատ, արնոտ գետե՛ր,
Արագը խոր ու ոլոր...

Հազար ձէնով, հազար սրտով
Արծիւների հետ կուգամ,
Հողիդ մեռնիմ հազար սրտով
Իմ հայրենիք, մերիկ ջան...

Բարով ձեզի, դար ու դուրան,
Բանձրիկ սարեր ու քարե՛ր,
Հազար բարով, հով ու դուման,
Ծովակ, ծմակ ու ձորե՛ր...

ՀԱՅ-ԳՈՒՍԱՆ

Թ Ղ Թ Ա Կ Ց Ո Ւ Թ Ի Ի Ն Ն Ե Ր

Ն Ա Մ Ա Կ

ՊԱՐՍԿԱ-ՏԱՃԿԱԿԱՆ ՍԱՀՄԱՆԱԳԼԻԻՑ

1 փետրւար

Վասպուրական գնացող զինատար խմբակը գեկտեմբեր 2-ին (1899), Ապաղայի Խազան հայ գիւղի սահմանից դուրս գալիս, նկատուում է քիւրդերից: Հաւաք է ընկնում:

Զինատարները առանց հրացան արձակելու արագ շարունակում են իրենց ճամբան. քիւրդերն էլ հաւար գողալով, չեն թողնում տղաների հետքը: Վերջապէս ստիպւած մի հրացան են արձակում յամառ քիւրդերի վրայ: Մէկը ձեռքից վերաւորում է: Քիւրդերը յետ են դառ-

նում միւս գիւղերի ցեղակիցներին օգնութեան կանչելու:

Կամաւորները գիշերը մինչև լոյս ճանապարհ են կրտում, սակայն առանց ապահով դիրքի հասնելու: Երբ լուսանում է, նրանք դեռ դաշտում են լինում, որտեղ գետն անցնելիս թրջւում են մինչև կրծքերը: Գետի միւս ափում կրակ են անում թրջած շորերը չորացնելու: Յանկարծ տեսնում են, որ դաշտը սևացաւ ձիաւորներից: Կրիտիկական ժամ է. ի՞նչ անել. դիրքերը շատ հեռու են, իսկ իրենք՝ թրջած մինչև ոսկորները և անկարող խոյս տալու: Կրակը հանգցնում են և վազում դէպի փոսերը ապաստանելու:

Քիւրդերը յարձակում են գործում զինատարների վրայ: Երկուսին սպանում են: Մնացած չորս հոգին խորամանկութեամբ իսկոյն պառկում են ընկերների դիակների հետ, և քիւրդերը, բոլորին էլ սպանւած կարծելով, վազում են դիակները կողոպտելու: Երբ այնքան մօտենում են, որ հազիւ 200 քայլ է մնում, սուտմեռ չորսն էլ սկսում են միասին կրակել: Քիւրդերը, միջանի զոհ և վերաւոր տալով, սարսափած յետ են փախչում:

Արեւը սկսում է բարձրանալ: Կամաւորները, խմբապետ Յովհաննէսի կարգադրութեամբ, փոսերի մէջ յարմար դիրքեր բռնելով, երդւում են կռուել մինչև վերջին շունչը իրենց 2 ընկերների դիակների վրայ, և այսպէս, մէկ մէկի սիրտ տալով ու «Սանօ, Յովհաննէս» կանչելով, մնում են սպասողական դիրքի մէջ՝ պառկած, տակաւին սառած շորերով...

Յանկարծ Մուստաֆա-բէգի համիդիէները, մօտ 600-ի չափ, գալիս շրջապատում են դրանց և «Ին ա Օմար» սալաւաթ քաշելով՝ կատաղի յարձակում գործում: Տղաներից երեքը սպանւում են, իսկ Յովհաննէսը, վերաւորելով, անկարող է լինում այլևս հրացան արձակել: Երբ քիւրդերը բոլորովին մօտենում են, Յովհաննէսը ատրճանակով երկուսին վերաւորում է և ընկնում անշնչացած:

Կռիւն մասնակցող քիւրդերից մէկը ասել է. «Եթէ ֆէդայիները թրջած չլինէին, անկարելի պիտի լինէր նրանց մօսինիների հետ կռուել այդ մօսինիների ահից էր, որ առաջին անգամ չվստահացանք քիչ ուժով յարձակում գործել»:

Ֆէդայիներից միմիայն Փուռթոյին ճանաչելով՝ գլուխը կտրում են և բերում խաչանցիկներին ցոյց տալու:

Քիւրդերից սպանւում են ընդամենը 13 հոգի և երեք հոգի էլ վերաւոր ընկնում: Սպանւածներից մի քանիսը հոգեւորականներ են, ճակատներից զարկւած: Սրանց կանայք՝ ի նշան խոր վշտի՝ իրենց գլխի ծածկերը կտրում են:

Ցեղափոխականները իրենց առաջին անգամ ընկնող ընկերների զէնքերը փչացնում են, որպէսզի թշնամու ձեռքը չ'անցնեն: Իսկ միւսների մօտ եղած զէնքի պատճառով քիւրդ ցեղապետների մէջ կռիւ է ծագում. նախապէս հարայի գնացող ցեղապետը չի հաճում միւսներին բաժին հանել, պատճառաբանելով, որ ըսպանւած քիւրդերը իր ձիաւորներից են:

Կառավարութիւնը, դէպքի մասին իմանալով, Բերկրիից զօրք է ճամբում քիւրդերի մօտ, պահանջելով ֆէդայիների հրացանները, Պոլիսուղարկելու համար: Քիւրդերը մերժում են տալու, միայն նահատակ ֆէդայիների դիակներն են տալիս, որ տանեն Բերկրի թաղելու:

Զինատարների մօտ գտնւած «Դրօշակ»-ի թերթերը

*) Այս վերնագրի տակ կը տպագրւեն «Դրօշակում» ՀԱՅ-ԳՈՒՍԱՆԻ մի շարք քանաստեղծութիւնները, որոնցից առաջինը լոյս տեսաւ անցեալ տարւայ № 1-ում: ԽՍԲ.

(№ 6 և 7, 1899 թ.) քիւրդերը կարգացնել են տալիս հայերին ու սարսափով լսում Գուրգէնի կոխերի մասին: Եւ այժմ նրանց մէջ լուրջ պտտում, իբր թէ «Ֆէդայիների կառավարութիւնը» 6000 հոգի պիտի ուղարկի քիւրդերից վրէժ լուծելու:

Ն Ա Մ Ա Կ Ե Ր Զ Ն Կ Ա Յ Ե Ն

3 փետրւար

Թիւրք կառավարութիւնը իր հանրաձայնօթ հայալինջ ծրագրի կիրառութեանց կէս առ կէս իննամով կը հետեւի: Հայաստանի ամէն կողմերէ կոտորածի, թալանի հատ ու կտոր առնւած լուրերը օր օրի կը բազմապատկին: ամէն ուրեք կեանքի, հացի, պատուոյ խնդիր կայ:

Բերենք հոս անոնցմէ մի քանին:

Քաղաքէս 4 ժամ հեռաւորութիւն ունեցող (դէպ արեւելք) Բ ը թ ա ռ ի ճ գիւղի մէջ (մօտ 80) տուն թիւրք եւ հայ խառն) անցեալ տարի թիւրք երիտասարդ մը կը յաջողի ինչ-ինչ միջոցներով (իհարկէ բռնութիւնը եւ վախը ամէնէն մեծ տեղը կը բռնէ) հայ աղջիկ մը առեւանգել եւ ձայնը բոլորովին կորսնցնել: Մօտեցաւ, այսինքն երկու ամիս չափ առաջ, իրիկան ժամը 2-ին ժամանակները, նոյն թիւրքը կը մտնէ Քերովքէ անուն անձի մը տունը եւ կըստ պառնայ ըսելով. — «Օգնէ ինձի որ այս ինչ հայ աղջիկը տանիմ»: Քերովքէն գայրացած կը պատասխանէ. «Անցեալ տարւայ գործած շահատակութենէդ քաջախրեցեալ որ երկրորդել կ'ուզես»: Այսպէս ձայնը բարձրացնելուն՝ դրացիները կը հաւաքւին, եւ թիւրք ժամ հայ բիրտով իրարու զարնել կըսկսին: Այս պահուն Քերովքէն կը յաջողի իր հակառակորդը դանակով վիրաւորել եւ փախուստ տալով ապաստանի իր հօրաքրոջ տունը: Վիրաւորեալը կատաղած, դէպի կեանքները հակակիր ու թիւրքական հանրաձայնօթ հայոյութիւնները բերանին եղող քանի մը համամիտներով, կը վազէ այն աղջկան տունը, որը ընտրած էր փախցնելու, եւ բռնի ներս կը մտնեն: Տունը կը գտնուի եղբւր աղջիկը եւ իր եղբօր կինը մինակ: Թիւրքը կըսկսի բռնի քաշքշել աղջիկը ըսելով. — «Այս վերքը ես քեզի համար ստացել եմ. գուն պէտք է որ գա: ու քօշկես քու ձեռքով»: Հակառակ աղջկան արձակած վայնասունին ու ողբերուն, կըսկսի գետնաքար ընել խեղճը: Միւս հարսը կը յաջողի դուրս ելլել ու հաւաք ընել: Կրակները կը հասնին ու կ'ազատեն աղջիկը:

Թիւրքը տունէն դուրս եկած պահուն կը հանդիպի աղջկան հօրը, որ ցուպ իձեռին կաղ մէ: Հայրը բացատրութիւն կը պահանջէ սրիկայ թիւրքէն եւ ի պատասխան գաւազանի հարւածներու տարափ մը կ'ընդունի իր գլխին ու կը նւաղի: Թիւրքին ընկերացած խուժանը, որոյ պարագլուխն է յիշեալին հօրեղբօր որդին, տեսնուող անպարտած կը փութայ դանել Քերովքը ու անկէ վրէժ լուծել: Այս անգ թափառելէ ետք՝ վերջապէս թիւրքերը կը մտնեն Քերովքի հօրաքրոջ տունը ու այդ չափահաս կինէն կը պահանջեն իր եղբօրորդին: Նա կ'ուրանայ անոր մասին ուրէ լուր ունենալը, եւ անա կըսկսի բիրտու եւ ոտքերու հարւածներ խեղճ կնոջ գլխին: Կինը, աւելի մեռած քան կենդանի, կ'իյնայ գետին: Այդ բաւական չէ. փոքրիկ տղայ մը, որ պառկած էր սենեկին մէկ անկիւնը, նա ալ ոտից կոխան ըլլալով, մարմինը սոսկալի կերպով կը ձգւի: Թիւրքերը տան մէջ կըսկսին խուզարկութիւնը եւ Քերովքը կը յաջողին գտնել մարագին մէջ: Այլուս դիւրին է երեւակայել տասնեակ բիրտ ձեռքերէ յառաջ եկած ծեծի քանակն ու որակն: Այսպէս թիւրքերը գոհ իրենց կատարած լրբութիւններէն, կը մեկնին:

Յաջորդ օրը հայերը աղջիկը քաղաք կը փախցնեն, իսկ Քերովքի հօրաքրոջ մի քանի օրեր սոսկալի անկողնոյ ծառայելէ վերջ կը կնքէ իր մահկանացուն: 14 օր դիակը անթաղ կը մնայ, որպէսզի քաղաքէն բօխչի եւ քնիչ երթալով քննէ ու ստուգէ մարմինը, բայց գիւղի պէկը, իր շահա-

տակութիւններով ծանօթ վահի մ պէկը, ծեծի ու բռնութեան տակ թաղել կուտայ գիակը: Միւս ճմլած փոքր տղան ալ ազատելու յոյս չկայ: Ոճրագործները ազատ են: Կառավարութեան բողոքած է: բայց արդիւնքը, կ'երաշխաւորեմ, ոչինչ կըլլայ, մանաւանդ որ վիրաւորեալ թիւրքը իր այդէն սպիացած վերքին վրայ նոր վերքեր կը բանայ դանակով: Քերովքն ալ այժմ իր մարմնոյն ցաւած ու ճըմլածներով կըզբաղի:

Անցեալ տարւայ սեպտեմբեր 20-ին Դէյլանի քանի մը գիւղերը կողոպտեցան քիւրդերու ձեռամբ: Ահաւասիկ Դէյլանի թալանած գիւղերը. Վժան, Մաղձօրի, Չանախճի, Պարտախճի, Շիւնոս եւ Ալորիկ: Այս գիւղերը մահմետական նով խառն են եւ աւարն ալ խառն եղաւ:

Նոյն սեպտեմբեր ամսւան մէջ երեք հայեր, Գալուստ, Յարութիւն եւ Փիլիպպոս, Անգրէաս գիւղաքաղաքէն վերադառնալու ժամանակ, վինչէսթէր հրացան մ'ունենալուն հաժար ձերակալուելով, 15-ական տարւան բանտարկութեան դատապարտեցան, մինչդեռ թիւրքերը ոչ միայն ճանապարհների վրայ, այլեւ քաղաքին մէջ ազատ համարձակ ատրճանակ ու դաշոյն կը կրեն վրանին եւ կառավարութիւնը բնաւ գիտողութիւն չընէր:

Կառավարութեան օրէնքով 60 տարին լրացնող մարդ մը ուրէ տուրք վճարելէ ազատ կը մնայ: գիւղերու մէջ այդ կարգի մարդիկը հաշւելով, հակառակ այդ օրինաց, մօտ 900 օսմ. ոսկոյ գումար մը կը պահանջէր ասոնցմէ: Մէկ պաշտօնեայ միայն բողոքած է այդ պահանջի դէմ, սակայն կառավարութեան հասոյթին արգելք ըլլալու մեղադրանքով յանդիմանւած է: Այժմ այդ խեղճերու տունները մտնելով՝ գտածոնին կը գրաւեն:

Անցեալ տարւայ վերջերը քաղաքէս երեք ժամ հեռաւորութեամբ գտնւած ս. Ներսէս հայրապետի վանքը եւ մէկ քառորդ ժամ վարը գտնւած Գի անունով գիւղը, որ իսլամով խառն է, բոլորովին աւարի տրեցան Լոյանցի եւ Շեխասանցի ըսւած քիւրդ ցեղերէն:

Այդ գիւղէն կէս ժամ հեռու գտնւած Իրկան անունով գիւղին շաղաքէն գիւղերը, մէկ հայու մը ձեռք եւ ոտքը կապելով՝ տարին իրենց բնակարանը, եւ 25 թօի մանուսայ սուգանք առնելով, արձակեցին:

Նոյն միջոցին Պալապան նահիայի մէջ ս. Թորոս անունով վանքը կողոպտեցին, երեք գիւղեր իրարու վրայ միմիայն ոչխար ու եղ ամանելով:

Յիշեալ գիւղերի հայերը այլեւս բոլորովին յուսահատ եկան քաղաքին միւթէսարիֆին դիմեցին: Միւթէսարիֆը անոնց տւաւ 5-6 հատ հինցած, անպէտք ինչէլի հրացան, ըսելով. «հրացան արձակելու կարիք չկայ, բայց քիւրդերը ձեր քով գէնք ըլլալը իմանան, այլեւս չեն գար»: Թիւրք իշխանի գաղտնի նպատակը հետեւեալն էր. նա գիտէր, որ հայերը չեն կրնայ 5-6 փաշած հրացանով իրենց պաշտպանել, բայց ինքը կրնար նոր հրացանի հաշուով իր համար դրամ պանձել խեղճ գիւղացիներէն: Տարւան վեց ամիսը քիւրդերը կը թալանէ, իսկ վեց ամիսն ալ իսլամական տէրութեան հազիւ կ'օգտէ: Այս է մեր սեւ օրը:

Վերջերս կառավարութեան մէջ նոր ողեւորութիւն մը կայ: Պ ա յ Ր ա մ ր կը մօտենայ: Պաշտօնեաները ամսական կ'ուզեն: Դրամարկդները թափուր են: Ի՞նչ ընել: Նոր բան մը մտածել: Թալանի կամ աւարի մը պէտքը յարմար կը դատուի, բայց աւելի նոր սխալմով մը, պաշտօնական գոյն ունեցող ձեռով մը: Ուստի կ'որոշուի հայերէն գումար մ'ալ կորզել գինեւորական տուրքերէ առհաշիւ: Այդ նօթի գայլերը կ'առաջնել պէտք է: Դարձեալ կը ծանրանան հայոց վրայ: Հարկահաւաքները՝ ժանտարմի եւ ոստիկանի ընկեւրակցութեամբ՝ սկսած են չուկաները եւ թաղերը ժուռ գար: Հ ա ս ա ծ ն ու լ ե ի թ գ ի ն, հակառակ պաշտպանութեան բանտ կ'առաջնորդեն: Տեղույս առաջնորդը դիմում կ'ընէ միւթէսարիֆ փաշային: Արդիւնքը սա եղաւ: որ եղած հրամանին աւելի խիստ կերպարանք մը տրեցաւ: Ի՞նչ կ'ընէ մեր պատրիարքը: Ի՞նչ բանի հանգեցան իւր զիմուսները: . .

Այս է մեր վիճակ: Ի՞նչ կը մնայ մեզ ընել, կը հարցնենք մեր պատուական արեւակցաց ու աղգակցաց: Երբ զրկւած ենք ամէն ինչէ, ըստ մեզ՝ կենսական միակ միջոց տակա-

ւին մեր ձեռքէ է: այդ տխուր կիսանքի ամէն պատահականութեանց պէս՝ զէնքը պիտի ըլլայ մեր միակ բարեկամը. այո՛, զէնքը, որմէ կախած է այժմ իրաւունքը եւ արդարութիւնը...

Կը վերջացնեմ նամակս մեր ընկերներէն միոյն՝ ՌԱՓՍԹԷԼ ՏԷՐՏԷՐԵԱՆԻ (Սուրբէն) մահը գովելով, որ մեռաւ այս գիշեր: Մաքուր անցեալով եւ վսեմ ձգտումներով զործիչ մըն էր: Հանգիստ ուկրներուն իր սիրած հայրենիքի բազմաշարժար հողին մէջ:

Կ Ո Վ Կ Ա Ս Ե Ա Ն Խ Ա Բ Ր Ի Կ Ն Ե Ր

ՏԱՄԱՆԻՄԵՆԻՈՐԻ ՆԱՄԱՍ

Պետերբուրգ, 19 ապրիլ

Դուք երեւի չգիտէք, որ բացի այն երկու դժուար յիշուած բաներէն, որոնք կրում են «ժանդարմների վարչութիւն» և «ոստիկանութիւն» (գաղտնի և վարչական) անունները, Կովկասում կայ և մի այլ, թէև արտաքուստ անտեսանելի մարմին, որ նոյնպէս կոչւած է Տսկելու կայսրութեան ներքին ապահովութեան վարչ: Դա կամ աւոր ոստիկանութիւնն է: Դրա անդամները նոյնպէս պետական գանձարանից ամսի 20-ին ուժիկ են ստանում, նոյնպէս շատ անգամ համազգեստներ են կրում, բայց իրենց ծառայութեամբ նրանք պաշտօնապէս ոստիկանութեան անդամ չեն, — այլ մէկը, դիցուք, ունէ նորին գերազանցութիւն, մեծ մասամբ պաշտօնաթուղ, միւսը՝ նախկին գաւառապետ, երրորդը՝ կառավարչապետի ատենի նախկին անդամ, մի ուրիշը՝ ժողովրդական զբոսայգիների դիրեկտոր, գիմնազիոնի ուսուցիչ կամ անդամ գաղափարական պալատի, և այսպէս ըստ կարգին... Դրգւած «ներքին ոգևորութիւնից» և «արտաքին հովանաւորութիւնից», մէկը միւսից անկախ, առանձին-առանձին, առանց շատ անգամ իրար ձանձելու, համոզւած, որ նոյնիսկ հասարակութիւնից ոչոք իրենց «գործունէութեան» մասին գաղափար չ'ունի, կատարում են «հայրենասիրական» մի մեծ պարտք — կանոնաւոր կերպով ուղարկում են Կովկասի բարձր իշխանութեան կամ ուղղակի այստեղ՝ Պետերբուրգ՝ զեկուցումներ, նամակներ և գրութիւններ՝ հաղորդելով այնպիսի վտանգաւոր նորութիւններ, որոնց գոյութեան մասին շատ անգամ տեղեկութիւն չ'ունին մինչև իսկ մեր ամենագէտ դժուարին մեքենաները և ժանդարմները և ոստիկանները:

Ահա այդպիսի պետական «վտանգաւոր նորութիւններից» մէկն էր այն, թէ Կովկասում հայկական ընկերութիւնները բազմացել են սուկի նման և իրենց օրինակն առնելով շարունակում են ծառայել յոյ՛ ազգայնական և քաղաքական վտանգաւոր նպատակներին: Հիմնելով մեծ մասամբ կամաւոր ոստիկանութեան ապօրինի տեղեկութիւնների վրայ, Պետերբուրգից 1894 թիւն հրամանագրւում է կովկասեան բարձր իշխանութեան՝ «մանրամասն տեղեկագիր պատրաստել հայոց բարեգործական ընկերութիւնների ամբողջ գործունէութեան մասին և կարծիք յայտնել թէ որքան անհրաժեշտ է նրանց գոյութիւնը»: Պատահմամբ միայն հարցի ուսումնասիրութիւնը ընկնում է մի բարեխիղճ պաշտօնեայի ձեռքը — տարաբախտաբար այժմ պաշտօնից հեռու — որը՝ չբաւարար

կանալով այն մանրամասն տեղեկագրերով, որ երկար տարիների ընթացքում տեղական իշխանութիւնը ստացել էր հայոց բոլոր ընկերութիւնների մասին, անձամբ ըսկսում է նոր հետազոտութիւններ անել և կազմում է մի բազմակողմանի տեղեկագիր: Այդ տեղեկագրից պարզւում է, որ նախ կատարելապէս սուտ է այն, թէ Կովկասի հայերը ունեն բազմաթիւ ընկերութիւններ: Այդ միջոցին, այն է 1894 թիւն, Կովկասում գոյութիւն ունէին հետեւեալ ընկերութիւնները. Բաբուում՝ «Հայոց Մարդասիրական ընկերութիւնը», որ հիմնւած էր դեռ 1863 թիւն, Թիֆլիսում՝ «Հայոց Հրատարակչական ընկերութիւնը» և «Հայուհեաց Բարեգործական ընկերութիւնը», երկուսն էլ հիմնւած 80-ական թվականներին, և «Կովկասեան հայոց բարեգործական ընկերութիւնը», որը՝ համաձայն Կովկասի փոխարքայութեան ժամանակ հաստատւած իր կանոնադրութեան, իրաւունք ունի բաց անել իր ճիւղերը գաւառական քաղաքներում և որը օգտւելով իր այդ իրաւունքից, մօտ 15 տարւայ ընթացքում կարողացել էր բաց անել հազիւ 18 ճիւղեր, այն էլ այնպիսի խոշոր քաղաքներում, ինչպէս Երևան, Բաթում, Ալեքսանդրոպոլ, Շուշի, Ախալցխա, Նախիջևան, Ախալքալաք և այլն:

Նոյն տեղեկագրից պարզւում է և մի այլ հարց — այն, որ բոլոր ընկերութիւնները տառացի կերպով և ամենամեծ խստութեամբ հետեւել են իրենց կանոնադրութիւններին — բոլորն էլ հաստատւած կառավարութիւնից — և երբեք մազի չափ իսկ չեն շեղւել իրենց նպատակից: Ինչ է այդ նպատակը. — հաց տալ աղքատներին, մի քանի ընկերութիւն օգնել չքաւոր աշակերտներին կամ ուսանողներին, պահել ունէ դպրոց կամ նպաստել կարօտ մի ուսումնարանի, ինչպէս արել են այդ Մարդասիրական կամ Բարեգործական ընկերութիւնները, և կամ տպագրել մի քանի գրքեր, ինչպէս արել է Հրատարակչական ընկերութիւնը — գրքեր, որոնք, ինչպէս ամէն-մի տպագրւող տող Ռուսաստանում, պիտի ստանան ցենզորի թոյլտուութիւն, ապա ուրեմն երբեք հակակառավարչական և «վտանգաւոր» լինել չեն կարող...

Հատ հետաքրքիր է յիշատակել այն խօսքերը, որ վերը յիշած պաշտօնական անձը այդ առիթով ասել է իրեն լաւ ծանօթ և բոլորովին վստահելի մի հայի Թիֆլիսում:

— «Ես ամենայն խստութեամբ ուսումնասիրեցի այդ ընկերութիւնների երկար տարիների գործունէութիւնը և ոչ միայն ապօրինի ոչինչ չգտայ, այլ համոզւեցի, որ նրանք բոլորն էլ անպայման համակրելի են և օգտաւէտ: Եւ ինչպէս անհամակրելի գտնեմ մի ընկերութիւն, որը՝ ըստ իր կարողութեան, աղքատին հաց է տալիս, չքաւորին ուսում, որքին ապաստան, ժողովրդին գիրք: Ինչ նկատել են, որ այդ ընկերութիւնների թիւը շատ մեծ է, պէտք է կրճատել: Ճշմարտութեան դէմ կը լինի համաձայնել այդ կարծիքի հետ: Կովկասում աւելի քան 11/2 միլիոն հայ կայ, և այդ ահագին ազգաբնակչութիւնը ունի ընդամենը չորս գաղափար ընկերութիւն ու գրանցից մէկը միայն՝ իր ճիւղաւորութիւնները: Բայց և այնպէս — աւելացնում է պաշտօնեան — Պետերբուրգին գոհացում տալու համար պէտք է ունէ մէկը փակել: Սակայն որը: Հրատարակչական ընկերութիւնը: Բայց ինչպէս, քանի որ այդ հիմնարկութիւնը իր տե-

Հարեաններէնք և շատ անգամ ձեր անձնական թշնամիներէնք «փաստեր» են հաւաքում: Մի ունէ թշնամու ակնարկ, մի ունէ հարբան պրիստովի կապրի՞լ բաւական է, որ խնդրատուն անյարմար համարւի և այս դէպքում: Անցնում է 5-6 ամիս, և ահա ստացւում է դարձեալ նոյն միակերպ պատասխանը. «Ձեր խնդիրը թողնեց առանց հետեանքի»: Բայց վերջնեք լաւագոյն դէպքը, այսինքն՝ երբ խնդրատուն ունէ «անյարմարութիւն» չ'ունի: Արգելքներ այնուամենայնիւ պակաս չեն: Նախ կառավարութիւնը առհասարակ շատ կասկածելի է համարում ամէն-մի գրադարան, քանի որ գրադարանը տարածում է գրագիտութիւն, իսկ դա «սկզբունքով» փաստակար է, եթէ կրօնական սահմաններէն դուրս է: Բայց կայ և ուրիշ հանգամանք: Դուք ուզում էք, դիցուք, ձեր գրադարանը էժան ագիտ դարձնել, որպէսզի մատչելի լինի քաղաքի ամբողջին. ձեզ նկատում են, որ «անյարմար է ամբողջը զբաղել», և ստիպում են գրադարանի վճարը աւելի թանկ անել, որպէսզի նա մատչելի լինի միմիայն ապահով դասակարգին: Ուրիշ խօսքով՝ ձեր ձգտումը՝ ծառայել չքաւոր ժողովրդի ընթերցանութեան գործին — խափանւած է, գոնէ մասամբ: Ենթադրենք, որ կարգադրեց վճարի հարցը: Այդ ժամանակ հարց է յարուցւում տեղի մասին: Եւ եթէ դուք ուզում էք գրադարանը հիմնել քաղաքի ունէ յետ ընկած մասում, ուր ապրում են չքաւորները, մի այնպիսի տեղ, ուր ժողովուրդը աւելի յարմարութիւններ ունի յաճախելու, ձեզ նկատում են, որ դա անկարելի է, յայտարարելով, որ գրադարանը պիտի բաց անել քաղաքի բանուկ մասում, բանուկ փողոցի վրայ, որպէսզի «տպարանական տեսուչը (նա, որ հսկում է գրադարանների վրայ) միջոց ունենայ ամէն ընդմիջում և հսկողութիւն կատարել»: Ընդունենք, որ այդ զիջողութիւնն էլ արեցիք. այնուհետեւ հարց է ծագում, թէ ո՞վ պիտի լինի գրադարանապետը, ի՞նչ եկամուտ տնէր ո՞վ պիտի պահէ գրադարանը, ո՞վ պիտի լինի պատասխանատու անձը, եթէ հիմնարկողը բացակայ է քաղաքից: Վերջապէս, հազար ու մի դժուարութիւններով, մի դիւանատնից միւսը վազվզելով դուք այդ անուր կապրիզներին էլ լիութիւն էք տալիս: Սակայն դարձեալ վախճանը հետու է: Սկսւում է նոր «հոգեհանութիւն» և ամենախիստը, — գրքերի և լրագրերի հարցը: Ի՞նչ գրքեր պիտի պահէ գրադարանում: Միթէ՞ այն, որ ձեր կարծիքով ամէնից օգտակար է կամ ձեր յաճախորդներին ցանկալի: Քաւ լիցի. այդպէս մտածել Ռուսաստանում — դա նշանակում է խելագար լինել: Դուք պիտի ներկայացնէք գրքերի ցուցակ: Այդ ցուցակը ուղարկւում է ցենցուրական հիմնարկութեանը, որ ինքը՝ արդէն ունի նախօրօք կազմած՝ արգելաւած գրքերի ցուցակ, և նա՝ համաձայն իր ցուցակի՝ ուղղագրում է ձեր ցուցակը: Սակայն այդ ցուցակն էլ մէկ չէ: Ցուցակ էլ կայ՝ ցուցակ էլ: Կան գրքեր, որոնք արգելաւած են միմիայն դպրոցական գրադարանների համար. կան գրքեր, որոնք թէև թոյլատրւած են դպրոցական գրադարանների համար, բայց ոչ մի դէպքում տեղ չեն կարող գտնել ժողովրդական գրադարաններում. վերջապէս կան գրքեր, որոնք թէև գտնւում են ամէն-մի կէտքի գրադարանում, բայց իրաւունք չկայ պահել մի ունէ

հանրամատչելի գրադարանի մէջ: Ուրիշ խօսքով՝ մի օրինական քաւոր, որ իրաւունք է տալիս իշխանութեան հարց յարուցանել, թէ ինչ տեսակի գրադարան էք ուզում հիմնել, ովքեր պիտի կազմեն յաճախորդների գլխաւոր տոկոսը, կարճ՝ նորանոր դժուարութիւններ, նորանոր ճնշումներ գրադարանի բացման առաջ:

Երեւակայեցէք մի ընդհանուր երկար ամիսներ քաղաքելուց յետոյ — շատ անգամ այդ ձեւականութիւնները տեսւում են ութ-ինն ամիս, նոյնիսկ մի ամբողջ տարի — վերջապէս հրաշքով այդ հրաշքով, ստանում էք թոյլտւութիւն և բաց էք անում գրադարանը. . . Ահա և առաջին այցելուն. . . բայց դա ընթերցող չէ, այլ. . . ուստիկան: — «Թոյլտւութիւն ունի՞ք»: Ցոյց էք տալիս: Մի քանի ժամից յետոյ դարձեալ ուստիկան՝ «Համեցէք ուստիկանատուն. կանչում են»: Մի օր անցած դալիս է ինքը տպարանական տեսուչը (ինսպեկտոր տիպօգրաֆիի), գրադարանի անմիջական իշխանութիւնը: Եւ եթէ նա մի կասկածոտ, անհանգիստ, կապրիզոտ անձն է, վայն եկել ձեզ տարել է:

Մի փոքրիկ միջադէպ:

X քաղաքի հայոց մի գրադարան մտնում է տպարանական տեսուչը:

— Ցոյց տւէք գրացուցակը: Տալիս են:

— Գրացուցակից դուրս ուրիշ գրքեր, յոյս ունիմ, չունէք:

— Իհարկէ ոչ:

— Սա ի՞նչ գիրք է, բացականչում է տեսուչը թերթիկով ցուցակը և մատը դնելով մի գրքի անան վրայ. — «Վաղարշապատ մայրաքաղաքն հայոց»:

— Դա պատմական գիրք է, թոյլատրւած կառավարութիւնից և ձեր ձեռքով:

— Ի՞նչ պատմական, ի՞նչ թոյլտւութիւն: «Մայրաքաղաք հայոց». . . Դա անկարելի է:

— Այո. . . բայց «մայրաքաղաք հայոց»-ը գոյութիւն ունէր սրանից 1500 տարի առաջ, 4-րդ դարում, և ոչ այժմ, բացատրում է խոնարհաբար գրադարանապետը:

— Այդ միւսն է. ես արգելում էմ այս գիրքը:

— Սա ի՞նչ է, աւելի զայրացած գոչում է տեսուչը, ձեռքը դնելով մի այլ գրքի վրայ. — «Վէրք Հայաստանի»:

— Դա էլ թոյլ է տրւած ձեր ցուցակով. Աբովեանի աշխատութիւնն է այդ — աւելացնում է գրադարանապետը յաջողութեան ժպիտը երեսին — գրւած աւելի քան կէս դար առաջ, որ այնքան համակրանքով է խօսում ռուսների և ռուսաց տիրապետութեան մասին:

— Այդ համակրութեանը ես հաւանում եմ, բայց անունը՝ «Վէրք Հայաստանի» չեմ հաւանում: Չկայ Ռուսաստանում Հայաստան, ուրեմն չի կարող լինել և Հայաստանի վէրք: Այսօրւանից այդ գիրքն էլ եմ արգելում:

Եւ այսպէս՝ արգելք՝ արգելքի վրայ:

Աւայս անգլուխ չինօֆիկների շնորհիւ, ամսէ ամիս, տարեց տարի լայնանում, ուռչում է հայերէն, լեհերէն և մանաւանդ ռուսերէն արգելաւած գրքերի ցուցակը: Շատերը արգելում են, որովհետեւ միապետական ոգւով չեն գրւած, չեն ջատագովում ուղղափառութիւնը: Միւսները՝ թէև բովանդակութեամբ վտանգաւոր չեն, բայց այնպիսի գրողների աշխատութիւնն են, որոնք իրենց կեանքում եղել են հակակառավար-

չական, յեղափոխական կամ էմիգրանտ: Մէկ գրքի անունն է վտանգաւոր, միւսի ոճն է կատաղի, երրորդը դուր չի գալիս ուղղափառ միտքաօրիտին: Մէկը ազատամտական հակումներ ունի, մի ուրիշը բաւականաչափ բարոյական է, — և ահա մէկ-մէկ այդ բոլորը արգելում, հալածում, խլում է գրավաճառներից ու գրագարաններից և մատնում խարոյկի կամ ոստիկանական արգելքի...

— Եթէ այսպէս շարունակի — ասել է մի ուսուցիչ — շատ չանցած՝ հարց կը ծագի, թէ արդեօք Ռուսաստանում արգելած գրքերի ցուցակն է աւելի մեծ, թէ թողաւորաւորներինը...

Այդ դժոխային պայմաններում մասնաւոր մարդիկ շատ քիչ կամ երբեք յանձն չեն առնում գրագարաններ բաց անել, մանաւանդ որ դա շահաւէտ գործ էլ չէ, և սովորաբար բարեգործական հիմնարկութիւններն են, որոնք ձեռնարկում են դրանց: Դա է ահա պատճառը, որ ստիպում էր հայոց բարեգործական ընկերութիւններին՝ հազար ու մի նեղութիւններով հաւաքած իրենց միջոցներից՝ մաս հանել գրագարաններ հիմնելու համար այնպիսի թէև մեծ, բայց գրագարաններից զուրկ քաղաքներում, ինչպիսին է Թիֆլիս, Ախալցխա, Էուջի, Ախալքալաք, Հին-Նախիջևան: Ցեսնելով այդ երեւոյթը, կառավարութիւնը դեռ սրանից 5-6 տարի առաջ վճռեց սահմանափակումներ դնել և այս նպատակով փոխեց կողմասեան Բարեգործական ընկերութեան կանոնադրութեան այն յօդաւորը, որը իրաւունք էր տալիս ընկերութեան կենտրոնին՝ բաց անել ձիւղեր իր ցանկացած տեղում: Ձեռքով այդ յօդաւորը՝ կառավարութիւնը մտցրեց կանոնադրութեան մէջ մի այլ յօդաւոր, ուր ասուած է. — ամէն ագնամ, երբ կենտրոնը կամենայ մի ձիւղ բանալ, պէտք է պատշաճաւոր ճանապարհով դիմի Պետերբուրգ՝ ստանալու բարձրագոյն թոյլտուութիւն. — ուրիշ խօսքով՝ սահմանափակեց նոր ձիւղեր բանալու իրաւունքը, հետեւաբար և նորանոր գրագարաններ հիմնելու հնարաւորութիւնը: Այդ նոր յօդաւորի պատճառով մի քանի քաղաքներ, ինչպէս նահանգական Գանձակ քաղաքը, չնայելով որ մի քանի տարի աշխատեցին՝ չկարողացան հիմնել իրենց մօտ բարեգործական ընկերութեան ձիւղ և հետեւաբար՝ նաև գրագարան:

Իբր հետեւեալ այդ վաճառական քաղաքականութեան, այդ խաւարամոլ ձգտման, մեր առաջ կանգնած է հետեւեալ ողբալի պատկերը. — 20 հազար բնակիչ ունեցող Ախալցխայում կար մի հատ գրագարան — փակեցին: 25 հազար բնակիչ ունեցող Էուջում՝ մի գրագարան — փակեցին: 15 հազար բնակիչ ունեցող Ախալքալաքում մի գրագարան — փակեցին: 10 հազար բնակիչ ունեցող Հին-Նախիջևանում մի գրագարան — փակեցին: Վերջապէս 150 հազար բնակիչ ունեցող Թիֆլիսում, ուր Բարեգործական ընկերութեան նորակազմ մատենադարանը պիտի լինէր միակ լուրջ և հանրամատչելի հիմնարկութիւնը — փակեցին: Թող չտւին գրագարան բաց անել Ալեքսանդրապոլում, ուր 30 հազար բնակիչ կայ, Գանձակում և Երևանում, որոնք երկուսն էլ նահանգական քաղաքներ են և ունին իւրաքանչիւրը 25 հազար բնակիչ, և ուրիշ շատ փոքրիկ քաղաքներում, ուր գրագարանը պիտի կազմէր միակ ճրագը՝ ընդհանուր խաւարի մէջ...

Փակեցին դպրոցները, փակեցին բարեգործական ըն-

կերութիւնները, փակեցին գրագարանները — երկար տարիների՝ մաշող, անթիւ ձեռքեր ու անսահման եռանդ պահանջող այդ կրթական օջախները: Փակած դպրոցի տիւր, սրտաճմլիկ աւերակների դիմաց՝ յանդուգն յաջողութեամբ գլուխ է բարձրացնում գինեւորը, իսկ հալածական գրագարանների փոխարէն աճում են հասարակաց տները: Եւ ժողովուրդը՝ զուրկ կրթական հիմնարկութիւններից, գրոհ է տալիս դէպի մարմնաւոր զարճութիւնների վայրերը: Մէկը հալածում է, միւսը հովանաւորում և հետեւաբար մէկը պէտք է ծաղկի, միւսը թառամի: Եթէ դա է ուսուց կառավարութեան տենչը — աչքը լոյս: Դա իրագործուած է...

Է. ԱՎԵՌԻՆԻ

Կ Ե Ն Ս Ա Պ Ր Ա Կ Ա Ն

Վ Ե Յ Չ Ի Ն Ա Տ Ա Ր Ն Ա Շ Ա Տ Ա Կ Ն Ե Ր

Առաջ ենք բերում մի քանի կենսագրական տեղեկութիւններ այն վեց զինատար նահատակների մասին, որոնց վարած կռիւ մանրամասները ընթերցողը կը գտնի «Դրօշակի» այս համարի պարսկա-տաճկական սահմանագլխից գրած թղթակցութեան մէջ: Մեռածներից չորսի պատկերը տպագրում ենք սրա հետ միասին, և շատ ցաւում ենք, որ միւս երկուսի՝ Յովհաննէս Աւետիսեանի և Սանո Յարութիւնեանի պատկերները չկան, իրենց ընկերների կողքին դնելու համար:

ՅՈՎՀԱՆՆԵՍ ԱՎԵՏԻՍԵԱՆ, 27 տարեկան, շատ խցի: Վասպուրականում Դաշնակցական կազմակերպութեան մուտք գործելու օրից՝ իր փոքրիկ խմբով յարում է նրան և գործում է «Դաշնակցութեան» դրօշակի տակ: 1895 թ. իրենց գիւղի մատնիչ ռէս Սօսնի վրայ ատրճանակ արձակելով՝ երեք տեղից վերաւորում է: Այդ դէպքի պատճառով փախստական լինելով, 1896 թ.ին, դեռ վանի կոտորածից առաջ, դաշնակցական խմբի հետ անցնում է Պարսկաստան, որտեղ Դէրիկի կռիւից ազատելով՝ նոյն խմբի հետ Սալմաստում 1¹/₂ ամիս տանջում է բանտում: 1897-ին մասնակցում է Արշաւանքին տասնապետի օգնականի պաշտօնով: 1898 թ.ի սեպտեմբերին՝ նորից զինատար խմբի հետ մտնում է Վասպուրական և մի ամբողջ տարի գործում է վանի գիւղերում: 1899 թ.ի հոկտեմբերին վերադառնում է Պարսկաստան՝ ղենքերի փոխադրութեան պաշտօնով: Յովհաննէսը իր խոհեմութեամբ և ճարպիկութեամբ ընկերների աչքի լոյսն էր դարձել: Վերջերս իր գործունէութեամբ այնպիսի յոյսեր էր ներշնչում, որ Վասպուրականի կոմիտէն գրում էր. «Ի՞նչ յուսանք որ Հէրոյի տեղը ընէ՛: Այո՛, Հէրոյի գործունէութեան չարժանացրեց նրան բախտը, սակայն Հէրոյի պէս քաջարի կռւելով՝ կեանքը թանկ ծախեց Ապաղայի դաշտում:

ՍԱՆՕ ՅԱՐԱԹԻՒՆԵԱՆ, 23 տարեկան, վանի կողմերից, ծնողների միջուճար զաւակ: 1896 թ.ին վախում տեղի ունեցած կռիւներին մասնակցելուց յետոյ, Աւետիսեանի (արմենական) խմբի հետ թողնում է Վաս-

Կուրակներ: Ճանապարհին՝ Չուխայի լեռներում, Աւետիսեանից դժգոհ և Մուշեղի խմբին միացած, «չաշնի» (պիստոնի) հրացանով քաջաբար կուռում է քիւրդերի դէմ և իվերջոյ անվտանգ մտնում է Պարսկաստան: Այստեղ պարսից կառավարութիւնից բանտարկուում է, բայց յետոյ ազատուում: Մասնակցում է 1897 թւի արշաւանքին: Այդ ժամանակ նա կուռելիս է եղել Պիժի Աշոտի տասնեակում ամէնավտանգաւոր դիրքում, Խանասորի հովտի Թավրա կոչւած բլուրի վրայ, ուր ամբողջ տասնեակից ազատեցին միայն 3 հոգի ողջ և 2 վիրաւոր: Վիրաւորներից մէկը — աջ թևի արմունկից — Սանօն էր: Այդ վէրքը շատ վիշտ պատճառեց նրան, սպառնալով զրկել հրացան արձակելու հնարաւորութիւնից: Թևի վէրքը մի տարի տևեց, օպերացիաների ենթարկեց հանգուցեալը ասորի բժիշկ Իւսանայից և Ուրմիի եւրօպացոց հիւանդանոցում, բայց դրանք զգալի օգուտ չտւին նրա գոսացած արմունկին: Չէր կարողանում բանեցնել մասները հրացանի ոտը քաշելու համար: Վերջապէս պատահմամբ մի ասորի բաշթալ վերջնականապէս բուժեց նրա արմունկը: Թևը առողջանալուն պէս՝ Սանօն միանում է, 1898 թւի աշնան, երկրորդ զինատար խմբին: Իր պարտքը կատարելուց յետոյ, 1898-ի ձմեռը գնում է Կովկաս՝ աշխատանքի: 1899-ի գարնանը նորից անցնում է Պարսկաստան զէնքերի փոխադրութեան գործով զբաղւելու: Դժբախտաբար հայրը այս տարի վախճանւում է: Մայրը մի քանի անգամ նամակներով Սանօյին տուն էր կանչում, բայց ապարդիւն: Վերջապէս, տեսնելով որ տղան չէ գալիս, ինքը՝ հազարումի նեղութիւններ քաշելով, եկաւ տղայի յետևից: Բայց Սանօյի համար շատ դժուար էր բաժանւել գործից, համոզեց մօրը և վերադառնալու ասելով. «Դու գնա, ես իմ եղբայրներին հետ կուգամ»: Խեղճ մայրը մինչև այս օր էլ դեռ աչքը ճամբին սպասում է իր միևնույն զաւակ Սանօյին գրկելու... Բայց Սանօն Մայր Հայրենիքը աւելի սիրեց քան հարազատ մօրը և ապագայի մի նոր սրբատեղի կանգնեցրեց, իր և ընկերների գիակներին, Ապաղայի դաշտում:»



ՄԻՆԱՍ ՕՀԱՆՆԷՍԵԱՆ

ԳՐԻԳՈՐ ԽԱՀԱՏՐԵԱՆ

ՄԻՆԱՍ ՕՀԱՆՆԷՍԵԱՆ, 25 տարեկան, Կարճկանի կողմերից: Մասնակցել է 1898 թւի սեպտեմբերին Բագրևանդից իսլաթ գնացող զինատար խմբի յաղթական կռիւներին: Այդտեղից անվտանգ վան հասնելով նա միացել էր Հատախիցի Յովհաննէսին և գործում էր նրա հետ:

ԳՐԻԳՈՐ ԽԱՀԱՏՐԵԱՆ, 20 տարեկան, Բ. . Նի կողմերից: Հատախիցի Յովհաննէսը, գաւառներում պարտելիս, բաւական ժամանակ ապաստանում է Գրիգորին:

տունը: Վերջինի հայրը, իմանալով, որ Յովհաննէսը անցնելու է Պարսկաստան՝ զէնքի փոխադրութեամբ զբաղւելու, իր միակ զաւակին ինքն է յանձնում Յովհաննէսին ասելով. «Գնա՛, տղաս, իմ միակ ժառանգս դու ես, բայց քեզ տեցի ազգիս, գնա՛, զոհիր ազգիդ համար»: Որքան յիշում ենք, յայտնի դէպքերից սա երկրորդ օրինակն է, որ ծնողը սրտաբուխ նւէր է բերում իր որդուն Հայրենիքի սուրբ սեղանին (առաջինը եղել է Կուկունեանցի արշաւանքի ժամանակ):



ԽԱՀԱՅ ԽԱՀԱՏՐԵԱՆ

ՓՈՒՐԹՕ ԳՐԻԳՈՐԵԱՆ

ԽԱՀԱՅ ԽԱՀԱՏՐԵԱՆ, 26 տարեկան, Թիմուր գաւառից: Սարգսեանի անցեալից դժբախտաբար տեղեկութիւններ չունենք: Խմբին մասնակցեց ծայրայեղ վճռականութեամբ և տմարդ թշնամու լղիմաց՝ Ապաղայում հերոսի պսակը տարաւ:

ՓՈՒՐԹՕ ԳՐԻԳՈՐԵԱՆ, 40 տարեկան, Նորդուզի կողմերից: 1896-ի վանի դէպքերի ժամանակ իր ընկերներով անցնում է Պարսկաստան: Մասնակցում է 1897-ի Արշաւանքին, որտեղից վերադառնալով, նոյն թւին զինատար խմբի հետ անցնում է երկիր: Երկրում շրջում է ազատ: 1899-ի աշնանը, թողնելով ընտանիքը վանում, գալիս է Պարսկաստան զբաղւելու զէնքերի փոխադրութեան գործով, և այդ գործին էլ տալիս է իր անձը...

ՔԱՂԱՔԱԿԱՆ ՏԵՍՈՒԹԻՒՆ

ԹԻՒՐԿԻՈՅ ԵՈՒՐՁԸ

ԹԻՒՐԿԻՈՅ, ՄԻՆԱՍԵԱՆ ՆԱՀԱՏՐԵԱՆԸ ԵՒ ՄՐԵՐԻՍԱՆԱՅԵՐԸ.— Հայաստանի ջարդերուն ատեն եւրօպական պետութիւնները, ինչպէս և Ամերիկան, իրենց հպատակներուն կրած վնասներուն համար տուգանք կը պահանջէին. բայց այդ պահանջները աւելի լնդի ծայրով կըլլային. իւրաքանչիւր տէրութիւն կ'ըսէր. «Թիւրքիայէն անուկիս ըլլայ»: Գիտէին թէ այդ պահանջը նեղօրին դէմ պիտի գար, նասրէտիւնին խալկինն պէս պիտի ծնէ՞ր օր մը, կամ պիտի ծագէր: Եթէ եւրօպական կառավարութիւնները Թիւրքիոյ մասին անտարբեր կամ ժպտուն երեւին, նոյնիսկ իրենց իրաւունքներուն մէջ, ապահովօրէն կ'ընանք ըսել. «Եսանին մէջ բան կայ»:

Թիւրքիան կը բռնէ անզգալապէս, իսկ Թիւրքիոյ կառավարութիւնը կը կարծէ թէ ժամանակի ճակատագրութիւններն, հարաւորներն կը խուսափի. թէ ինքը կ'ապրի «հակառակ աստուածներու կամքին», մինչդեռ կ'ապրի արջուն կեանքը, որ ծիւնին տակ իր ծարաղ կ'ուտէ:

Համը, մեծ զգայախաբը և մեծ ունայնապաշտը, որուն մեծ քաղաքագէտի տիտղոսը՝ կուտան հացկատակները — անբարոյականութեան և ոճրագործութեան քաղաքագիտութիւնը — արեւելեան մտքի գերադասեալն ծուլութիւնով ու փինթի պարտապանի մը քաշքշուկներով, ծուլը ծառն ելլելուն ձգած է իր պարտքերուն վճարումը: Պարագայ մը, որ դժար չէր զար եւրօպական այն պետութեանց, որոնք օր մը մտադրած են, խաղ մը խաղալու համար, գէնք ընել այդ անուկիքը:

Համիդը իր յաղթանակի դափնիներուն տակ հապարտ կը քննանար:

Միացեալ Նահանգներու Նախագահը յանկարծ Փոքր Ասիոյ մէջ Ամերիկայի միսիոնարներու կրած վնասներու փոխարէն 100,000 տօլար պահանջեց (500,000 Փրանք):

Համիդը, ծովերու՝ ու ցամաքներու՝ սուլթանը, կը յամառի չիտալ, առարկելով թէ ինք լիարժեք չունի այդ վնասներուն մէջ, թէ ան-խուսափելի շարքերն են անցան, և թէ միւս տէրութեանց ալ գէնք տուած չըլլալու համար սկզբունքով չուզեր վճարել Ամերիկայի ալ: Երբեք չի «մարդը» գիտէ ինք որու հետ գործ ունի, քայց յոյս ունի թէ եւրօպական պետութիւնները չեն թողուր որ իրեն պէս «քարծր» վնասպետ մը, յանուն «աստ-ւածային իրաւունքի» սկզբունքին, հանրապետութեան «հասարակ» նախագահի մը առջեւ խոնարհի, եւ որչափ իրաւունք ունի ա-նիծելու Բոլորմպոսը, որ Ամերիկան գտաւ:

Աստուծոյ շուքը ինքզինքը Եւրօպայի «երես առած» լակոտը կը կարծէ արդէն:

Վաշինկթօնի կառավարութեան խստասրտութիւնը, անողոր վարմուքը կեղծ դրութեան մէջ դրին թիւրք կառավարութիւնը, կամ միմեանս սուլթանը: Հիւլէի շէքի բերելու համար, սուլ-թանը հրամայեց է նաւ մը շինել տալ եւ այդ նաւին զննի հետ միաժողով տուգանքը. խնդիրը ցարդ անկախ կը մնայ, միջազգային խառնաշփոթութիւններուն պատճառով գուցէ: Աշ-խարհ խաղաղի թերեւս, քայց թիւրքիան քնաւ երբեք. այդ երկրորդ միջոտ պատրաստ է զբաղեցնել եւրօպական դիւանա-գիտութիւնը, զի այնքան անսպառ է իր էշութիւններուն, իր բարձրարտութիւններուն աղբիւրը. քանի կը կտրես, այնքան աւելի կ'աճի, այնքան աւելի կ'ուճանայ հոն զազանութեան ծաղիկը: Թիւրքիան ինչո՞ւ կընար իր վրայ խօսել տալ քա-ղաքակիրթ աշխարհին, եթէ ոչ տմարդութիւններով, զազանու-թիւններով. Եթէ այդ հակամարդկային ու անհեղիորէն բա-ցասական արարքները չըլլային, terra incognita (անծանօթ երկիր) պիտի մնար Թիւրքիա կողմէ երկիրը: Այդ մնային սուլթան Համիտ կընայ հայրենիքի երախտագիտութեան ար-ժանացած սեպիւր:

Ամերիկայի պէս հզօր եւ ազատական հանրապետութեան մը Թիւրքիոյ գործերուն միջամտութիւնը միսիոնարական երեւոյթ մըն է, ամէն տեսակէտով, եւ քննական ալ է քանի որ այնքան միսիոնարներ կան եւ ունին գրեթէ էն հոյակապ դպրոցները Թիւրքիոյ մէջ: Տառապող ազգերը, օսմանեան ի չօղլան իր-ժիմին տակ, սիրով եւ սրտատրոփ պիտի նային նոր աշխարհին ու Փրանքլին «երկինքէն շանթը խլեց ու բռնաւորներէն մականը»:

Ընդհանուր սխալ կարծիք մըն է՝ թէ հայկական յեղափո-խութեան բուն հեղինակները ամերիկեան միսիոնարներն են: Անոնք որոնք չեն ծանշար Հայաստանը կամ Թիւրքիան — Աիբիկէն աւելի խաւարակուին — երեւոյթներէն միշտ կը խաբին: Միսիո-նարները, կրնանք ըսել, ոչ միայն այդ տեսակ զաղափար մը չեն ծոցվորած իրենց «հեզ» ուղեղներուն մէջ, այլեւ նոյնիսկ դէմ եղած են: Իրենց բանը գործը եղած է քարոզել, աղօթել ու կրօնական կրթութիւն մը տալ: Թանցանքը միսիոնարներուն ծիտը չէ — մըշինի վրայ իսկ չէին կոխեր խեղճերը...

Եղափոխութիւնը ծախսատարօրէն պիտի գար, քանի որ իր արմատները արդէն բաւական ուժեղ էին ազատութեան ծառը վեր բռնելու համար: Կրեմէն, Պուլկարիան եւլն միսիոնարներ չ'ունէին, քայց եւ այնպէս յեղափոխութիւնը, ապստամբութիւնը պայթեցաւ եւ արեւն քալեցուց:

Սուլթանը միշտ պէտք է յիշէ ժողովրդական սա իմաս-տութիւնը — հարէմական իմաստութենէն զատ — թէ քամի ցանողը փոթորիկ կ'որսայ:

Բողոքական միսիոնարները, վկայ հայերու տաժանելի եւ շան կեանքին, մղած քիչ մըն ալ քրիստոնէական զգացումէն, շատ շատ, իրենց աղօթքին մէջ մեքենաբար կը լիոցնէին սա կտոր խօսքերը. «ո՛վ Տէր, յիշէ հայ ազգը եւս», սակայն այնքան անմեղ կերպով մը, որ Աստուած իսկ եթէ լսէր, կատակի տեղ կ'առնէր. կամ «ոսկեղէն համարէ՞ս» հատած մը կը կարդային արեւելեան մէկերեւանութիւնով մը եւշխտոյ կ'երգէին «ե՛լ հոգիս, թեւերդ լայն» քաց, վերին կոշումը յիշէ՞ս կամ «որնեալ աշ-խարհ մը կայ երկրէս հեռուն»:

Ամէն պարագայի մէջ այդ «օրհնեալ աշխարհը» Հայաստանը չէր: Ինչ ալ ըլլայ, մենք միսիոնարներուն վրայ առանձին մեղք չենք բարդեր. անոնք իրենց «երկնային» դերին մէջ են. մենք մեր «երկրային» դերին մէջ. երկուքնուս մէջ, շարժում դէպի ան-ծանօթ եւ շարժում դէպի կեանքը, հակասութեան օրէնքը կը տիրէ: Սուլթանը կընայ՝ կոնակին վրայ հանգիստ քնանալ այդ մասին:

Մեզի համար, ըսենք, Ամերիկայի ծայրը հաճելի է, որ կընայ սուլթանը դողերու բերել. զի զազանները միշտ ան-վախ չեն: Գուցէ հանգամանքները առայժմ չեն նպաստեր մաք-րակրօն Ամերիկային ազդեցիկ եւ գործնական դեր մը խաղա-

լու, քայց մենք հայերս անտարբեր նայելու չենք պետութեան մը վրայ որ կը ծաւալի ու իր շահերը ունի Արեւելքի մէջ եւ որուն նախագահը, Սպանիոյ պատերազմին տանն կըսէր. «Ամերիկեան դրօշակը իր հետ ազատութիւնը» եւ արդարութիւնը կը պտոցնէ:

Փրանսայի եռագոյն դրօշակը աշխարհի շըշանը ըրաւ ու յոգնեցաւ. Ամերիկայի աստղազարդ դրօշը դեռ նոր կ'առնէ իր հապարտ ծալքերը ու թռիչքը. երանի թէ հին աշխարհի պաւ-սեռած ու քարերն մարդկութեան փոխարէն, երիտասարդ Ա-մերիկան ոչ միայն իր մեքենաները, բաժանեղէնները պար-պելու տեղ փնտռէր, այլեւ իր ազատութիւնը որ արեւն շա-տուլթան մէջ կը խեղդէ:

Ամերիկահայերը, որոնց ազգային նկարագիրը նոր անգին ցնցումի մը տակ, դեռ չէ կըցած իր հաւասարակշռութիւնը գտնել եւ կարծես, աւելի իրենք իրենց դէմ պայքար մը կը մղեն, քան իրարու դէմ — միջիններ կազմած են, խնդրելու համար Մար-Քինլիէն որ co-ward սուլթանը պատժէ: Հայութեան տարագիր լածերը պատրաստ էին անշուշտ առաջին քուպէին նետելու ամերիկեան զբահաւորներուն մէջ եւ երթալ կուի իրենց հայրենիքի դահիճներուն դէմ: Հակառակ այն անշահ պառակ-տութեան, այն պատեւիական իմաստակութիւններուն, մտքի բարակութիւններուն — անծանօթ ամերիկեան հողին — հակառակ նոյնիսկ այն տարածայնած բոլոր մեղապարտութիւններուն, ո-րոնք «մեղայ ամենասուրբին» «սերշնչումը եւ հմայքը» կը կազմեն, եւ որոնք բարոյական ամպ մը նետեցին ամերիկեան հայ գաղ-թականութեան վրայ, կը հաւատանք թէ՛ Ամերիկայի հայերը կ'անդրադառնան արդէն իրենց վրայ, զիրենք շըշապատող պա-մանները լըծօրէն եւ խելացիօրէն կը հեզն ու կը սերտեն. ոչ միայն «գեղեցիկ ու պերճ խօսելու» արհեստը կը փնտռեն — մեծազոյն գաղտնիքը ընտրական պայքարներու տանն — այլեւ անգլօ-սաքսօն ցեղին պիտի ու ուժեղ բարքերէն ծաղկաքաղ ալ կ'ընեն իրենց արեւելեան անգոյն, կեղորոտախոյս եւ խալան բարքերը պատուաստելու համար: Այդ երկրին մէջ հայ գաղ-թականութիւնը աւելի մեծ կշիռ կ'ունայ ամերիկեան հասարակութեան առաջ, քայց դժբախտաբար, ամերիկացիներուն իսկ վկայութիւնով, հայ ազգին բարեմասնութիւնները Ամերիկայի մէջ չեն երեւար, այլ բուն երկրին մէջ պէտք է որոնել: Պէտք չէ՞ր որ յեղափոխական աստատով, կէսմարդ, կէսձուկ աղամաւորք պատեւելիներ, միշտեւ եղունգնուն ծայրը կ'ծու եւ կ'անաւ աշքերով ազգասէրներ, հայգաղութին բարոյական դիրքը բարձրացնելու ջանային, եւ փոխանակ «արսկաստանի սահմաններուն վրայ «դաշնակցական եէնիշէրներու» հեռատեսութեան, քիչ մը կարծաւորս ըլլային եւ ծմբաբիտ հայրենասէրի մը պէս, արեւ-ելքի շողերէն ու ցողերէն, նոր աշխարհի անծանօթ ակերքը նետած տղէտ եւ մուրա հայ հասարակութեան «լապտերներ» ըլլային, քայց ոչ... «խուլ լապտերներ», կամ քաւոր առաջնորդներ:

Հաւանօրէն Ամերիկայի մէջ հայերը մեր կարեւոր գաղ-թականութիւններէն մինը կազմեն, եթէ որոշ կազմակերպու-թիւն մը եւ որոշ ուղղութիւն մը ձեռք ձգեն եւ իւրացնեն ամերիկեան նախաձեռնութեան ոգին՝ միացնելով անոր քաղա-քացիական պարզ առաքինութիւն մը... եթէ չեն հասած վա-ղահաս ծերութեան արեւելեան յախումն զգայապաշտութեամբ:

Ինչ ալ ըլլայ, ամերիկեան հայ երիտասարդութիւնը հայու-թեան վառվռուն, լեզւանի — եթէ ոչ շատախօս — տարրը կը կազմեն: Փափաքելի է որ խտապահանջ հանքերներու երկրին մէջ, իրենց խախտած համբաւը վերաշինէին եւ թոթւելով հայ ազգին տգեղ ու թաւո՛ կողմերը, հայ ազգին թարմ եւ կենդանանար քա-ղաքակրթութեան մը մասն ու բաժինը բերէին: Օրինակ առ-նելով Ֆէնիքսի քաղաքը, անոնց անվատ եւ հիանալի գործու-նէութեան ու հայրենասիրութեան տակտիքը, իրենց աշքերը, արեւապաշտի մը պէս, դարձնէին միշտ դէպի արեւելք՝ արիւնով մկրտած Հայաստանը, ինչպէս Ֆէնիքսը կը յիշէ «կանաչ Էրինը»:

Մեր հայրենակիցները, իրենց հայրենիքի ցաւազին կացու-թեան դիմաց, չինային իրը «լեղի բաժակի» մը վրայ եւ երբէք չի խորհել թէ Ատլանտեանի՝ անհուն ալիքներն ու ան-դունդները կը քաժան գիրենք իրենց մայր հայրենիքէն. միշտ յիշեն թէ՛ the blood is thicker than the water *) փոխ առնելով անգ-լօ-սաքսօն ցեղին պարագայաբարմար նշանաբանը:

Իսկ եթէ թրքական բարքերը, արեւելեան կայչիկայ եւ սուտ նկարագիրներն են որ պիտի առաջնորդեն ամերիկահայերին, եթէ երկրագնդի միւս երեսին վրայ — քորդականներու՝ «օրհնեալ աշխարհը» գուցէ — վտարանդի հայերը Պարթօլոյի «աշխարհը» լու-սաւորող՝ ազատութեան արծառնին առջեւ չեն ունենար՝ հոգիի հապարտ եւ աղոր սառսուրը եւ աշքի նախանձոտ թարթումը, եթէ Պրօվէնթոսի քաջութիւնը չպիտի ունենան ազատութեան ծառագայթ մը լծեցնելու անկէ, ամէն մարդ իրաւունք ունի ըսելու... doddle հայեր:

*) Արիւնը քրն թանձր է:

Մ Ա Մ Ո Ւ Լ Ի Տ Ե Ս Ո Ւ Թ Ի Ի Ն

* * *

Autorité յայտնի լրագիրը, որը խմբագրում է միապետական Պօլ Դը-Վասանեակը, մայիսի 20-ի իր համարում գետնից է «Հայաստանի թալանումը» վերնագրով հետևեալ նկատողութիւնը.

«Հայկական նահանգներում եւ մանաւանդ Վանի շրջանում նկատուող յուզումները՝ արդիւնք են այն հրէշաւոր ձեռքերի, որով ժողովուրդն են տուրքերը, Փոխանակ այդ գործը յանձնելու քաղաքացիական գործակալներին՝ աւելով նրանց ժողովրդի ծանր դրութեանը համապատասխանող պատուէրներ, զինուորներին են դարձրել հարկահաններ, որպէսզի նրանք այդ ձեռով ըստանան իրենց անսակահասները: Տալիս են այս ինչ գիւղը այն ինչ զինուորական գնդին ասելով. «Ձեզ այսքան է պարտ կռուովարութիւնը. ստացէ՛ք այս մարդկանցից՝ գանձելով նրանց տուրքերը: Հեշտ է ուրեմն հասկանալ, թէ ինչու են հայերը ապստամբում, տեսնելով իրենց ամէնամահողութ կերպով եւ կատարելապէս թալանւած»:

Ներկայ ամսւայ վերջերին հայերի դրութեան վերաբերեալ յօդածներ լոյս տեսան նաև Standard, Berliner Tageblatt և բազմաթիւ երկրորդական լրագրերում:

* * *

Եւրօպական լրագրերը հաղորդում են, որ քրիստոնեաների դրութիւնը ուսումնասիրելու (?) և տեղական պահանջները պարզելու (!) համար՝ Պօլսից ուղարկւել են Ալբանիա, Մակեդոնիա և Փոքր-Ասիա գերմանական, աստորիական և անգլիական դեսպանատների զինուորական կցորդները: Ալբանիա գնացել է անգլիական ներկայացուցիչը, Մակեդոնիա՝ գերմանականը և Փոքր-Ասիա՝ աստորիականը:

Արդեօք այս նոր ձեռնածուծութիւնները, — իհարկէ, Բերլինից գրւած—մի տեսակ պատասխան չեն այն դիրքին, որ բռնել է վերջերս դէպի տաճիկ կռուավարութիւնը Ռուսաստանը:

* * *

Մեր ընթերցողներին յայտնի է, որ մարտից ժընէվում սկսեց ֆրանսերէն լեզուով հրատարակւել մակեդոնական յեղափոխական Effort լրագիրը: Իբր շնորհաւորութիւն մեր կողմից՝ մենք ուղարկեցինք Effort-ի խմբագրութեան «Դրօշակի» անցեալ տարւայ № 7-ում «Դաշնակցութեան» և «Մակեդոնական Գերագոյն Կօմիտէի» միութեան առիթով հրատարակած «Եղբայր եմք մենք» յօդածը: Effort-ի խմբագրութիւնը՝ տպագրելով այդ յօդածը (№ 5), իր կողմից կցել է նրան մի քանի խորհրդածութիւններ, որոնք վերջանում են հետևեալ խօսքերով.

«Հ. Յ. Դաշնակցութեան» օրգան «Դրօշակի» խմբագրութիւնը, իր ջերմ բարեմաղթութիւններով հանդերձ, ուղարկել է մեզ մի յօդած՝ նշանաւոր իր գաղափարների վերնութեամբ եւ այն հեռանկարների մեծութեամբ, որոնք բացւում են արեւելքի ժողովուրդների առաջ: Մենք նրա թարգմանութիւնը գետնից ենք մեր լրագրի առաջին երեսում. . . Դրա հետ միասին մենք ուղղում ենք «Դրօշակի» քաջարի գումարտակին մեր եղբայրական ողջոյնը եւ յուսով ենք, որ ընդհանուր ուժով տարւած կռիւը կը պսակւի կատարեալ եւ նոյնպէս ընդհանուր յաղթութեամբ»:

Նոյն մեր յօդածը բուլղարական լեզուով տպւած է նաև Մակեդոնական Գերագոյն Կօմիտէի օրգան «Ռէֆօրմի» մէջ (№ 14):

* * *

Վառնայում նորերս երևան եկած «Հաւիդ» կիսամսեայ հանդէսը՝ իր 5-րդ համարի մէջ՝ հաղորդելով «Արմէնիա» լրագրի դադարման լուրը, հետևեալ կերպով է բացատրում այդ երևոյթը.

«Արմէնիա», նախ գերազանցապէս յեղափոխական թերթ, յետոյ դարձաւ եղաւ հակափոխական օրական մը, իսկայեղօրէն յարձակելով յեղափոխական կազմակերպութիւններուն վրայ, ջանալով վարկաբեկ ընել զանոնք ազգին առջև, առյաւէտ կորսւած ժողովրդականութիւն մը վաստակելու եւ անդարձօրէն քրքրուած դափնիներ ձեռք անցընելու անմիտ ու փնասկար երազանքով: «Արմէնիա» յեղափոխական կազմակերպութիւնները եւ անոնց գործունէութեան եղանակը այդ կերպով հարւածելով՝ յեղափոխութիւնը հարուածած եղաւ. ժողովուրդը, իր սուրբ համոզման մէջ վերաւորւած, ետ դարձուց հարուածը ու եկած տեղին հասցուց:

«Արմէնիա» ինկաւ, որովհետեւ անգիտակից գտնուեցաւ անհղ զօրութեանը այն ոգիին որուն ինքն իսկ ստեղծողներէն մէկը եղած էր ազգին մէջ եւ որուն հետ չկրցաւ վարուիլ չըջահայեաց ու հոգածու փափկութեամբ»:

Մենք չգիտենք, որքան ճիշդ է «Արմէնիայի» դադարման լուրը, բայց չենք կարող չհամաձայնել «Հաւիդի» հետ, որ եթէ հայ հասարակութիւնը ինքն իրեն չդաւաճանի՝ «Արմէնիան» ուրիշ վախճան չէ կարող ունենալ:

Թ Ե Ր Թ Օ Ն

Ձ Ա Ի Օ Ն

Այս գիշեր Վանայ ծովակը յոգնած գեղեցկուհու նման անուշիկ նազանքով ծոյլ-ծոյլ օրօրում էր իր փերի մէջ՝ հեալով մեղմիկ, և կարծես չարաճճի աստղերի հետաքրքիր հայեացքներից իր մերկութիւնը ծածկելու համար, յարատե մշուշից անբաւական վրան ձգել էր նաև գիշերային խաւարի թանձր քողը և պատրաստում էր հանդարտ քուն մտնել: Սակայն ոչ խաւարը և ոչ էլ մշուշը չէին կարողանում աստղերին արգելել իրենց սովորական խաղը: Նրանք այնուամենայնիւ անհամար բազմութեամբ վազել էին կապուտակ երկնքի զանազան ծայրերից դէպի այս ծովակը և նայում էին վերից վար իրենց պլպլան աչքերով: Երբ գիշերային հովիտ իր պաղ շնչով լիզում, այլայլում էր ծովակի մակերևոյթը, այն ժամանակ աստղերը սառը ջրի հպումից սարսափող մերկ մանուկների պէս դողդողում, թրթռում էին ջրի մէջ արծաթէ շիթեր արձակելով կամ խառնւում էին ալեակների հետ, որոնք հրում, հրհրում էին իրար՝ աննպատակ դէպի փերի մղելով, կամ կարծես փսփսում, քչիչում էին իրար ականջին մանուկ դաւադիրների պէս և մանկական լրջութեամբ, որ յետոյ փերի մօտ ընդհանուր արծաթահնչիւն քրքիչով միահամուռ շփոցով արարաշխարհին յայտնեն մի չնշան գաղտնիք: Եւ չորս կողմից փերի լեռները խորհրդաւոր լուծեամբ իրենց խռոցէ անլոյս աչքերը, որոնք չեն թարթում նոյնիսկ փոթորիկների

առաջ չուեղ էին դէպի ծովակը հրէշաւոր դարձանքով և կարծես դիտում էին աստղերի և ալեակների, ծովակի և երկնքի այս հրաշալի խաղը:

Եւ ամէն ինչ ներդաշնակ էր բնութեան մէջ այդ դիտելու ամէն ինչ վսեմ էր և դիւթիչ:

Ինչո՞ւ, սակայն, բնութեան այս աննման խաղաղութեան, այս աստուածային ներդաշնակութեան մէջ բացին չ'ունէր ծովափի Ադ. . . գիւղը: Դէպի իրենց գերեզմանները խոյս տուող հալածած ուրախանների պէս մարդիկ փախչում էին այս ու այն պատի տակից, այս ու այն նեղ փողոցից և կարծես շտապով ծածկւում էին անդունդներում: Մի տնից միւս տուն, մի կտրից միւս կտուր, թոնրատնից գոմ, գոմից դաշտ, պատերի վրայով, դեզերի տակից, փոսերի միջից, քարերի արանքից, աւերակներից, ուր ստերն աւելի թանձր էր, ուր խաւարն աւելի սև: Մարդիկ մերթ սողում էին ծնկների վրայ, մերթ կանգնում-ձգւում էին ու՝ իրար քաշքշելով, քչիջալով, դողալով, անցնում էին, անյայտանում էին ստերների պէս և յետոյ կրկին երևում, կրկին ծածկւում էին: Ամբողջ գիւղը իր խրճիթներով սարսափի ձեռքին կարծես գալարւում, ոլորւում, դողդողում էր: Ըններն էլ էին անհանգիստ, անկարգ ու ալլանդակ էին հաջում, կամ կաղկանձում ողբաձայն, կամ ոռնում դունչերը դէպի երկինք ուղղած: Խրճիթներում ճրագ չկար, լոյս չկար, միայն երբեմն այս ու այն փողոցում, այս ու այն տան առաջ մի խումբ մարդկանց ձեռքին երևում էին մի քանի կերոններ, որոնք մոլորակների պէս այստեղ ու այնտեղ էին յայտնւում փախչողների յետևից, յետոյ ծածկւում, ապա ամէն բան կրկին խորասուզւում էր նոյն խեղդող խաւարի մէջ, և ստերները շարունակում էին սողալ, քաշքշել:

Այդ չար ժամին ծովափին շտապ-շտապ մօտեցան երկու մարդկային ստերներ, ըստ երևոյթին երկու կին, մէկը բարձրահասակ և առնական շարժումներով, միւսը աւելի փոքր և քնքոյշ կանացի մարմնակազմով: Նրանք մի վայրկեան կանգ առան մի ձկնորսական նաւակի առաջ:

— Ծովից չե՞ս վախենում, հարցրեց բարձրահասակ կինը փսփուկով:

Երկրորդը պատասխանի փոխարէն գլխով բացասական շարժում արեց, հասկացնելով՝ որ չի վախենում:

— Նաւակ նստե՞լ ես:

— Այո՛, պատասխանեց երկրորդը դարձեալ գլխով:

— Թիավարե՞լ կարո՞ղ ես:

Պատասխանը բացասական եղաւ:

— Ղեկը կարո՞ղ ես պահել:

Փոքր կինը դրական պատասխան տւեց:

— Դէ՛հ շուտ, նստիր — վրայ բերեց բարձրահասակ կինը, — վերջապէս ինչ էլ որ լինի, լաւն այս է, շարունակեց նա, տեղ բռնելով. մեզ մնացել է կամ նա՛, կամ սա՛, և նա ձեռքով երկինքը ապա ջուրը ցոյց տւեց:

Նրանք նստեցին: Ձահիլ կինը ղեկը բռնեց, իսկ միւսը թիակներն առաւ, և նաւակը վայրկենապէս հեռացաւ փիթից՝ շտապ-շտապ պատռելով քնած ալիքները:

Ո՞վքեր էին այդ երկու խորհրդաւոր կանայք:

Բարձրահասակ կինը Թուխիկենց Ջաւօն էր, իսկ միւսը՝ նրա հարսը, սիրուն Հեղինարը: Ադ. . . գիւղում ո՞վ չէր ճանաչում Ջաւօնին, այն բարձրահասակ, առնացի կնոջը, որի չորացած, թուխ դէմքը, մանաւանդ

խորը, սև աչքերը չար լինելու չափ լուրջ էին միշտ: Այդ դէմքին նայելով՝ կարելի էր կարծել, թէ Ջաւօն միշտ զայրացած է, միշտ քինոտ, միշտ դժգոհ մի բանից: Նրա դէմքի արտայայտութիւնը չէր փոփոխւում, բայց փորձած աչքը կարող էր նրա իսկական զայրոյթի և խաղաղութեան նշանները գտնել այդ միապաղաղ դէմքին, որովհետեւ երբ Ջաւօն կատաղած էր, այդ ժամանակ նրա քթի վերևում, թաւ յօնքերի միջավայրում և բերանի երկու անկիւններում մի-մի զոյգ անախորժ, չարագուշակ կնճիռներ էին կազմւում: Ահա այդ ժամանակ էր սարսափելի Ջաւօն և նրան խօսեցնելն անվտանգ չէր: Նա քայլում էր միշտ գլուխը բարձր, մէջքն ուղիղ, հաստատ, առնացի քայլածքով և առհասարակ նրա ամբողջ մարմնակազմը, բնաւորութիւնը ինչ-որ առնական բան ունէր, որ այնպէս անախորժ խառնուրդ էր կազմում կանացիութեան հետ: Այսպէս՝ նա կանացի աշխատանք չգիտէր, ասեղ ձեռք չէր առնի, բայց մեծ սիրով իր ամուսնու՝ ձկնորս Վրթօյի հետ՝ նաւակը կը նստէր, կը թիավարէր տղամարդից լաւ և առհասարակ երկիւղ ասած բանը չգիտէր: Ամենքն էին վախենում Ջաւօնի լեզուից և զայրոյթից, բայց մանաւանդ նա սարսափելի էր իր ամուսնու համար, որ առանց նրա խորհրդի ոչինչ չէր անի: Գիւղացիք այդ գիտէին, և վաղուց սովորութիւն էր դարձել Վրթօյին անւանել «Ջաւօյի Վրթօ»: Եւ ոչ ոք, նոյնիսկ ինքը Վրթօն, այդ կոչումը տարօրինակ, ստորացուցիչ չէր գտնում:

Մի հատիկ զաւակ ունէին նրանք, որ դեռ փոքր հասակից ընկերանում էր ծնողներին ձուկ որսալիս, իսկ երբ հասակ առաւ, ամուսնացաւ, այն ժամանակ Ջաւօն իր ամուսնուն տւեց ծովն ու որդին, իսկ ինքը վերցրեց տունն ու հարսը: Ծովի ձախորդութիւններից, նրա ահաւոր անակնկալներից, յարատեւ յորձանքների վտանգից որդուն պիտի պաշտպանէր հայրը, իսկ չար աշխարհի գայթակղութիւններից, կեանքի մոլութիւններից, մարդկանց անիրաւութիւններից՝ ինքը Ջաւօն պիտի պաշտպանէր իր հարսի և իր օջաղի պատիւը: Կեանքն էլ մի ծով չէ. . . Իսկ Ջաւօն լաւ էր ճանաչում ծովն իր անդունդներում թագորած կրքերով, կեանքը իր խէր ու շառով:

Էլ այնուհետեւ Ջաւօնին ոչ ոք չտեսաւ ծովի վրայ, և հարսին ոչ ոք չտեսաւ փողոցում: Խստաբարոյ կեսուրը մի րոպէ անգամ Հեղինարին մենակ չէր թողնում: Նրա չար բախտից հարսն էլ գեղեցիկ էր — այսպէս էին համոզւած ամենքն առանց տեսնելու: Հարսը բերած էր 2-3 ժամայ ճանապարհ հեռու մի ծովափնեայ գիւղից. այնտեղից էր գալիս նրա գեղեցկութեան լուրը: Հարեանները կատակների նիւթ էին դարձրել Ջաւօնի զգուշութիւնը, բայց այդ կատակներից նա նեղացողը չէր:

— Ինչ ուզում էք, ասէք, ես իմ բանը գիտեմ, ասում էր նա հարեանութիւններին: Մարդուն էլ եմ ճանաչում, կնկան էլ ծրկունն էլ իրար արժեն. մարդը իմ միշտ «շուն» կը լինի, «աչքը շոր», «հարեանի հարսն էլ միշտ սիրուն է» և «աչքը դուրս»:

Ահա թէ ինչու համար նա այնքան զգոյշ, այնքան խիստ էր դէպի իր հարսը:

Եւ այսպէս ապրում էին նրանք, լաւ-վատ՝ գլուխէին պահում:

Բայց մի օր սև եկաւ Թուխիկենց տան վրայ. Վրթօն ու որդին ծովը գնացին ու էլ յետ չ'եկան. երկուսով էլ փոթորկին զո՛հ գնացին, և մի քանի օր յետոյ նրանց դիակները գտան ծովափում:

Օջաղը փլաւ... Հարւածը զարհուրելի էր... Երկու կանայք սև կապեցին, սգացին. Ջաւօն երկար պրտասուեց, բայց չ'ուացաւ. միայն այնուհետեւ երկու յօնքերի միջի և շրթունքների եզրի կնճիռներն էլ չ'ընջւեցին: Նա սարսափելի էր: Կամաց կամաց վրայ հասնող աղքատութիւնն էլ աւելի դաժան, աւելի մարդատեաց քարձրեց նրան. էլ չէր խօսում, չէր վիճում, չէր անիծում: Ասում էին միայն, որ հարսի հետ աւելի քաղցր էր վարուում այնուհետեւ, կարծես նրա մէջ էր փընտռում իր յետին սփոփանքը: Այս քնքշութիւնը դէպի հարսը սակայն մազի չափ անգամ չ'մեղմացրեց նրա հսկողութիւնը: Ընդհանուակը աչքերը չորս դարձան իր այրի հարսի, իր օջաղի պատիւը պաշտպանելու համար, մինչև որ «ջահիլը» կրկին մարդու գնար: Երկու սգաւոր կանայք սև օրով ապրում էին: Հարսը, հնազանդ և՛ իր կեսուրին և՛ իր այնքան անսիրտ ճակատագրին, սպասում էր իր երկրորդ բախտին:

Էլի հարկ էին հաւաքում Աղ... գիւղում. քանի՜ երրորդ անգամ էր, ո՞վ գիտէր: Տարեւ էին ամէն ինչ—անասուններ, կահ ու կարասիք, զարդեր, շորեր,—բայց հարկահանները դարձեալ աւերած էին գործում տնիւրում: Ծեծ, սպանութիւն, առեւանգութիւն, պատի աւարգանք գիւղը բռնել էր: Մարդիկ փախչում էին, կանանց, աղջիկներին թաղցնում: Գիւղը կրակի մէջ էր:

Այն օրը Ջաւօյի դէմքի կնճիռները շանթալից ամպերի պէս կախւել էին: Ի՞նչ անէր, ո՞ր ջուրն ընկնէր. երբ զարթոնները տուն թափւեն՝ ի՞նչ տայ, հարսին ի՞նչպէս ազատի, ո՞ր փախցնի: Նա անհանգստութեամբ դուրս էր գնում, ներս մտնում, ինքն իրեն խօսում, մոռնում, հարսին նայում, տան չորս կողմում բան փնտռում, որ տանի շուտով յանձնի, գուցէ տուն չգան,—բայց ոչինչ, ոչինչ չկար... Միայն հարսն էր ու իր պատիւը, որ փրկել էր պէտք:

Մուծն իջաւ: Արդէն գիշեր էր, երբ հարեան անից աղմուկ բարձրացաւ: Ջաւօն դուրս թռաւ բակը, կտուրը բարձրացաւ և հարեանի հերթիկի վրայ կուացաւ: Ցեսարանը սարսափելի էր: Մի տաճիկ բէյ և տասնի չափ զափթիաներ լցւել էին տունը: Երեխաները լալիս էին աղիողորմ, սրտապատառ ճիչերով. կինը կծկւել էր մի պատի տակ, գլուխը քաշ ձգած՝ նոյնպէս արտասուում էր, իսկ տանտիրոջը թակում էին տաճիկները:

— 24այ, Աստուած է վկայ չկայ — աղերսում էր խեղճ մարդը — տարէք ինչ ուզում էք, ինչո՞ւ էք ըսպանում ինձ. չէ՞ վերելում երկինք կայ...:

— Լաւ, որ ոչինչ չկայ — ասաց բէյը խաղաղութեամբ — կինդ տուր, կինդ կը տանենք հարկիդ տեղ:

Երեխաները մէկէն ճգացին և մօր փեշերից կախւեցին: Մայրը կծկւեց նրանց վրա հեծկտալով, զափթիաներն իրար ընկան, բայց Ջաւօն էլ չսպասեց: Նա շուտով ցած իջաւ, տուն մտաւ, հարսի ձեռքից բռնեց և նրանք դուրս եկան: Թէև չորս կողմում պահապաններ կային, բայց բակերով-կտուրներով կարողացան գիւղից դուրս գալ ու ծովին հասնել և այժմ փախչում էին ծովով դէպի հարսի հերանց տուն, դէպի միւս ափը:

— Հայ հո՛ւ, հո՛ղը Ջաւօյի գլխին... Սեն եկաւ տունս բռնեց բաւական չի, հիմայ էլ հարսիս պատիւը կեղտոտ զափթիաներին տամ,—մոռնում էր Ջաւօն ինքն իրեն, երբ մի փոքր հեռացան ափից.—անիծւիս երկիր, փլես «այամ», հարկը գիշերն են հաւաքում: Վախ, վախ, էն ի՞նչ տեսայ, խեղճ մարդ... 2է, էս լաւ է, էսպէս չէ՞ Հեղինար. կամ հօրդ կը տամ, կամ ծովին. այնտեղ՝ բարեկամներ, այստեղ՝ ծովի տակ՝ ամուսիններ: Ես՝ Աղթամար, քեզ եմ կանչել...:

Հեղինարը լուռ էր, նա չխօսկան էր կեսուրի հետ և չէր խօսում նոյնիսկ այս ճգնաժամին:

Եւ թիակները շրփում էին, նաւակը սլլում էր, ջրերն աղմկում էին, աստղերը պլպլում վերելում և վարում, ծովը խաղաղ էր, թեթեւ հովը բարեխաղ: Պառաւը նայում էր ջրին և թիավարում լուռ, բայց Հեղինակը հանգիստ նստել չէր կարողանում: Նա նայում էր թիակներին, ապա հեռու խաւարին, յետ էր նայում դէպի ափերը, դէպի գիւղը, որտեղից հեռացան, և բոլոր նշաններից երեւում էր, որ նա սաստիկ վախենում է և՛ ծովից, և՛ խաւարից, և՛ թշնամիներից:

Արդէն բաւական հեռացել էին ափից, երբ Հեղինարը մէկ էլ յետ նայեց, ցնցւեց, ապա ծափ տուեց, կեսուրի ուշադրութիւնը հրաւիրեց և ձեռքը մեկնեց հեռու դէպի ափը, ուր ճրագներ էին երեւում, լոյսեր էին շարժւում այս ու այն կողմը: Արդեօք իրենց յետևիցն են դալիս... Ջաւօն էլ տեսաւ, բայց ոչինչ չ'ասաց. միայն նկատելի էր, որ նա ուժ տուեց թիակներին: Նաւակն այժմ ասես թռչում էր, բայց և արնայէս դեռ որքա՞ն ճանապարհ կար... Երկու կանայք այժմ աւելի յաճախ էին նայում դէպի գիւղը, դէպի ափը. ճրագներն այժմ ասես ջրի վրայ էին և շարժւում, գալիս էին նրանց յետևից արագ-արագ:

— Ես Տիրամէր — մրմնջում էր պառաւը և թիավարում, բայց նրա ուժը կարծես կամաց-կամաց պակասում էր: Հեղինարը սարսափով էր նկատում, որ նաւակն աւելի և աւելի դանդաղանում էր: Իսկ հեռու հեռու ծովի վրայ պլպլացող երկար երերուն ճրագները հետևում էին նրանց խաւարի միջից, ինչպէս զո՛հ փընտրող սոված գայլի զոյգ աչքեր:

Յոգնածութիւնը յաղթում էր Ջաւօյին: Նա մի րոպէ թողեց թիակները, հանգստացաւ և դարձեալ արագ-արագ թիավարել սկսեց: Իզո՞ւր. նաւակը շատ քիչ էր առաջանում, իսկ ճրագները մօտենում էին հա՛ մօտենում... Էլի մի փոքր, և գուցէ թիակների ձայները լսելի ընէին:

Ի՞նչ պէտք էր անել: Ջաւօն հաստատ համոզւած էր, որ եկողները տաճիկներ են. էլ ո՞վ սիրտ կ'անէր ճրագով ծով դուրս գալ այս ժամին: Ուստի նա որոշեց խոյս տալ ծովի խորքերը, ամէն վտանգ յանձն առնելով: Նա այդ նպատակով թիավարեց դէպի բաց ծովը, բայց այդ էլ անկարելի եղաւ. հակառակ հողմը նրա ջանքերն ապարդիւն դարձրին: Մի քանի րոպէից յետոյ՝ փախստականները կանգ առան բաց ծովում՝ ուժասպառ՝ և սարսափով նայում էին գայլի աչքերին, որոնք այժմ փայլում էին տասն-քսան քայլի վրայ:

— Ո՞վ էք, — ձայն տւին տաճիկները:

Պատասխան չկար: Ջաւօն էլ չգիտէր, թէ ի՞նչ է կատարւում իր հետ:

Մօտեցան: Ընդհանուր ոռնոց բարձրացաւ գազան-
ների նաւակում:

— Փախած թռչունն է — ձայն տւեց մէկը. — չա-
սացի՛ր, որ նրանք ծովը դուրս եկան. տեսայ, Հասան,
Մարգարէն վկայ՝ տեսայ, որ փախչում էին, բայց գլխի
չընկայ, սատանան կապեց ինձ:

— Հին ագուակն ծովը ձգենք, իսկ բռնած լորը
տանենք, ասաց մի զափթիա:

— Մեր ի՞նչ բանն է այդ. բէյն ամաց երկսին էլ
բերէք, կը տանենք:

— Կասես չէի կարելի բէյին ասել, թէ ինքն իրեն
ձգեց ծովը քո երկիւղից:

— Թամաշի բան կը լինի, որ տեսնենք, թէ պա-
ռաւն ինչպէս կը խոխոյ:

Ջաւօն, հանդարտ նստած իր տեղում, նայում էր և
լսում: Հեղինարը երեսի վրայ ընկած էր նաւակի մէջ,
հեծկտում էր և դողդողում...

Բիւշ յետոյ երկու կանայք յետ էին տարւում դէպի
գիւղ: Ջաւօն նստած էր նաւակի յետեւում մենակ, իսկ
Հեղինարին զափթիաները նստացրին իրենց մօտ և
թիավարում էին, միևնոյն ժամանակ լկտի կատակներ
անում նրա հետ:

— Տեսնո՞ւմ ես, էս ջադուն ինչպէս է սիրտ արել
գիշերով մենակ ծովը դուրս եկել: Հաւատա՛, որ բէյի
վախը չլինէր՝ սպանէին, ես էս չար սհաթին ծովը չէի
դուրս գայ:

— Եսպէս են էս անօրէնները. լաւ բանը ծովը կը
ձգեն, շների, գէլերի բաժին կ'անեն, միայն թէ չտան
թուղքերին:

— Շատ սիրուն է:

— Բէյին ասել են, թէ չէ՛ նա էնպէս ձեռք ու քաշ
չէր ընկնի ու մեզ ջրի երեսը գցի: Առաւօտից էր որո-
շել, որ գիշերը էս անիծած պառաւի տանը քնի:

— Տեսնես ո՞ւր էր տանում հարսին եղ ի՞նչ անում
պառաւ: Ի՞նչ ջադո՞ւ—դարձաւ Հասանը դէպի Ջաւօն —
ո՞ւր էիր տանում հարսիդ:

Ջաւօն դարձեալ պատասխան չտւեց: Նա կարծես
ոչինչ չէր լսում, այլ մտածում էր, մտածում... Կամաց-
կամաց նրան իսպառ մոռացան: Ջաւօն տեսաւ թէ ինչ-
պէս ափի ճրագները մօտենում են աւելի և աւելի,
երևի այնտեղ սպասում են... «Սպասեցէք», մոմօաց
նա ցած ձայնով, ապա նա տեսաւ, թէ ինչպէս մի զափթիա
ձեռքը ձգեց հարսի վիզը և գլուխը դէպի իրեն քաշեց,
տեսաւ թէ ինչպէս մի ուրիշը աշխատում էր նրա երեսը
բանալ: Ջաւօնի հարսի երեսը... Էլ բան չտեսաւ Ջաւօն.
նա մէկէն վեր ցատկեց տեղից, արագութեամբ կռացաւ
նաւակի եզրին, երկու ձեռքով բռնեց և վայրկենապէս
ձգեց ջրի մէջ՝ իր բոլոր թափով հետը քաշելով նա-
ւակը ու ճչալով:

— Ծո՛ղ, ծո՛ղ, մեզ էլ ծածկիր...:

Նաւակը շուռ եկաւ հէնց նրա գլխի վրայ և իսկոյն
խորասուզւեց: Ալիքները մի փոքր աղմկւեցին, մի քանի
շաչիւն, մի քանի հոնդիւն լսեց մթութեան մէջ, օգ-
նութիւն կանչող մի քանի ճիւղեր խեղդող կոկորդ-
իճից — և ամէն ինչ լռեց... Ձոհերն ու դահիճները
միևնոյն սառն ալիքների տակ թաղւեցին, և ջրի մակ-
երևոյթը կրկին խաղաղւեց...

Դարձեալ աստղերը շարունակում էին պլպլալ ծովի
մէջ, դարձեալ լեռները շարունակում էին իրենց խոռոչէ

կոյր աչքերով դիտել ծովի և երկնքի խաղը, շարու-
նակում էին դիտել բնութեան ներդաշնակութիւնը:
Մարդն էր միայն մի յանցաւոր շփոթ առաջ բերում
այդ բոլորի մէջ. նա էր իր ոճիրով պղծում երկրի երեսը:
Եւ երկիրը կ'ամաչէր երկնքից, եթէ խաւարը չծած-
կէր նրա դէմքը:

ՂԱՐԻԲ

Յ Ա Յ Տ Ա Ր Ա Ր Ո Ւ Թ Ի Ի Ն

Ներկայիւս կը հրահրենք Պալքանեան շրջանի մէջ
գտնուող բոլոր այն անձերը, որոնք ուղղակի խմբագրու-
թենէն «Դրօշակ» թերթը կըստանան, որ փութան
շուտով պատասխանել Հ. Յ. Դաշնակցութեան Պալ-
քանեան շրջանի առժամեայ Կեդր. Կոմիտէի կողմէ ցրւած
շրջաբերականին:

ԽՄԲԱԳՐՈՒԹԻՒՆ

Ն Ի Ի Ր Ա Տ Ի Ո Ւ Թ Ի Ի Ն

ԽՄԲԱԳՐՈՒԹԻՒՆՆ ստացած է՝

Պ. Աւար Լուսինեանէն 8 ֆրանք, «Ժողովրդ» խմբէն 10 ֆր.
Տոպրիշէն՝ Ա. Առ-էն 10 ֆր., Գրաւորինդէն՝ Ա. Մարգարե-
տունիէն 2 ֆր., Ոմս 20 ֆր.: Գումար 50 ֆրանք:

ՆԱԽԱՅԱՆԳՍՏԻ ԿՈՄԻՏԷՆ՝

Միշէլ Լի զիւղից՝ Գաբր. Սպիտակեան 25 ոտլի, ՋրԱ-
Շէնի «Գոգու» խմբից 10: Գումար 35 ոտլի:

ԱՄԵՐԻԿԱՅԻ ԿԵԴՐ. ԿՈՄԻՏԷՆ՝

Լիւնի կոմիտէի 1899 տարեշրջանի մուտքը՝ Արամ 10 դոլար,
Հրաշնայ 10, Փառնակ 16. 25, Ներսէս 16. 25, Ատոմ 18, Ջարնի
27. 75, Ժիրայր 2. 75, Ջարմայր 1, Հայկակ 8. 75, Թաթուլ 1. 50,
Արշամ 1. 50, Շաւարշ 2. 60, Մուշնո 1. 50, Արայ 2. 50, Երուսկ
2. 50, Վարագդատ 1. 50. Պարոյր 1. 50, Ոմս 2, Գեղամ 3, Թու-
բէն 1. 75, Վահագն 13. 41, Վահէ 3. 64 դոլար Գումար 149 դո-
լար 65 սէնթ:

ՎԷՍԹ չՕՊՕԷԼՆԻ կոմիտէին 1899 տարեշրջանի մուտքը 74
դոլար 36 սէնթ:

ՓԱԹԸՐՍԸՆԷՆ Հայկ Գնունի-ի հաշիւ 1899-ի շրջանի 5 դոլար:

ՎՐԵԺ ԿԵԴՐ. ԿՈՄԻՏԷՆ՝

ՎՐԵԺԻ կեդր. կոմիտէի ցանկութեամբ տպագրւում է նրա
դրամական մուտքը 1898—1899 թւականների ընթացքում:

Մ. քաղաքից (անդորրագրեր N° 1, 4, 10, 13, 22) 1615
ոտլի: — ՈՍԿԱՆԱՊԱՏԻՑ 200 ո. — ՄՐԳԱՍՏԱՆԻՑ (N° N° 3, 8, 9,
12, 16, 17, 18, 23) 1468 ո. — ԴՈՒՄԱՆԻՑ 75 ո. — ԴԱՇ-ից
(N° 7) 500 դոլար: — ՂԱԶ-ից (N° 15) 600 դոլ. — ԹՈՒՐԱՆԻՑ (N° 11)
1000 դոլ. — ԱՐՏԱՐ-ից օր. Նո-ից (N° 19) 152 դոլ. — ՄԻՆԱՐԷԹԻ
«Մառապալ» զիւղի երիտասարդներից 178 դոլ. — ՄԻՆԱՐԷԹԻ
«Մառ» զիւղից 600 դոլ. — ՄԻՆԱՐԷԹԻ «Սառ» զիւղից 100 դոլ. —
Հանգանակութիւնից 400 դոլ. — Օր. Մարո-ի կարծի մեքենայից
200 դոլ. — Բէգի 62 դոլ. — Տ. Ջ-ից 20 դոլ. — Ս. Ժամ-ից (N° 20)
16 դոլ. — Բժ. X-ի միջոցով (N° 21) 50 դոլ. — Երիտասարդների
թատրոնից 135 դոլ. — Մի ներկայացումից 1916 դոլար: Հնդամէնը
3358 ոտլի եւ 5119 դոլար:

Խմբագրութեան գիմել հետեւեալ հասցեով՝
Rédaction du Droschak, Genève (Suisse)